



清詩初集卷之三

武進蔣 鑰玉淵

錢塘翁介眉武原 選

閩縣吳彥芳香為 江寧張 愨南邨

新城李鴻霍厚餘 遂安毛際可鶴舫 定


五言古

梅花下聽琴

汪 琬 鈍菴 長洲

月下銅井缺夜靜山蒼然回顧梅花林  
靄靄浮晴燼幽人坐花下對月稍鳴絃  
風吹絃上音俱向遙空傳蕭颯澗底松  
潺湲崦西泉撫此未終曲驚禽啼不眠

泊石湖有懷



江風逗餘涼輟權自成賞谷口霞已開洲心月初上遙  
聞欸乃曲知是漁人唱獨樹影蕭條孤鴻色惆悵不見  
故人來時向煙中望

賣書

陳弘緒石在  
新建

我買又我賣刻印還銷印我賣不復買墮甌肯顧甌少  
年濡我首歲月易幾閏饑使室人詈寒使僕夫擯或者  
告我云書須遇時命一卷三兩卷坐執北斗柄鼓吹喧  
華庭輿馬趨列郡粉黛伺後寢旄旄耀前徑是宜縹緲  
藏亦可琪璧敬子書但助餒子書不佐運萬軸安有成  
祇足增孤憤與其飽鼠蠹何如白濟賑多謝或者云瘳  
此生平病我有一法存借子爲盟證不似往日癡不遺

後日慍驅我舊所畧留我新所靳暫飽風蟬腹琅琅倚  
短檠

秋蛩吟

張綱孫祖望  
錢塘

宿昔有佳人築室在丘壑天寒白露下木葉氣蕭索巖  
深虎豹嗥林密鳥雀薄四顧心淒淒秋蛩吟寂寞聽之  
清夜傷孤燈曖虛閣棄婦起躊躇壯士嗟衰落人生逢  
不辰不如草蟲躍旦夕蘭渚上荇藻幸可託

雜詩

周亮工櫟園  
祥符

我聞越石父身爲羣垢叢忽然來上客解驂贖其躬一  
朝脫羈勒專車引與同白骨附良肉枯雪煦溫風初不  
昧此感久之識道窮登堂謝夫子高厚實難終身本赭

清詞初集  
衣子公卿敢復通屈者不知已信者未懵懵知已而無  
禮不如縲綆中

遣懷

方象瑛 霞莊  
遂安

嘗設千古懷奇曠別有屬願息書生肩得拜升斗祿文  
章結主知聲名遍窮谷因假半通綸放遊歷五嶽故人  
繼清醪縣官給馬粟所至紙墨多奇文勒金玉息駕歸  
田園清軒對松竹左右具圖史酒茗制寒燠良友同志  
氣孫子趨教育垂老便須歸不藉靈方藥此事亦人爲  
至今仍局促不如且醉寢夢裏足遐躅

放百舌詩

人鳥同一生天地無私曲靈蠢各自安靜觀非異屬昨

日天風寒羣鳥棲樹木破壘取雙雛于人何所觸童意  
本在養以此悅所欲豈知養無術養廼勝于毒見之感  
我懷始思人最酷百靈飽其口何機不可伏放之返故  
林不言倚修竹

古意

宋徵輿 直方  
華亭

和風起東南微雲澹光輝玄陰不崇朝靈雨遂霏微析  
薪不須桂束楚能作糜挹泉不須醴行潦可浣衣情款  
周歲寒中道廼狐疑願持夙昔心皓首相與期

贈菊篇

蔣賓坊 侯齋  
武進

愛菊藝小圃結伴瀉水澗百里探嘉種十日忘饑疲  
芒屨走荒草屢被僮僕欺偶逢道間叟數語如舊知  
知余

稟情素握手經其居名花映高燭五色殊參差中夜晰  
至理精微踰繭絲感君真同心投以雙瓊脂主人拜明  
德喜躍遺高枝歸來親荷鋤眾草增榮滋刪餘植初榦  
朝夕恆于斯楊子為我歌九日過東籬戒僕緩農事灌  
漑偕提携忽聞楊子泣弗忍吹壙箎秋花日在眼故人  
來何時檢之贈故人感慨生別離舉世難知音爾我重  
自持

賦得陶荊州檢佐史博具投江

顧如華 西嶽漢川

古帝馴傲胄三百六十子化為戰爭場擾擾黑白裏無  
端青牛老厭笈柱下史西歸人流沙擣蒲自茲始大聖  
偶寓巧后人竟生次博六格五間憑陵雙頰哆家無儋  
石夫百萬擲如水咸陽客舍中杜叟亦爾爾荊州立事  
人猶奴以為鄙因咎作法涼作法豈料此公志神禹志  
分陰莫敢委試叩溫太真何嘗介介彼佐史苟同心賭  
墅豈亦耻勿漫投博具博具猶賢已

雜詩

孫 錄 古隍嘉善

羈旅思故鄉慷慨悲故歡出郭無人民白雲何盤盤衣  
裘自言暖衣葛自言寒寒暄各有待失時非所安古來  
賢達者所以慎未然

獨寐

王 鐸 覺斯孟津

春風惠然來照此素帷光欲寐不成寐如有深傍徨虎  
豹雖已遠風波在故鄉骨月屢軼軻生歿能不傷欲歸

難爲歸欲濟河無梁紅顏誰可保遭遇亦何常江皋花  
漸開靈鳥鳴西墻遠遊竟何事祇以攪我腸耿耿天爲  
曙緘淚擁衣裳

再渡峽口

周體觀伯衡  
遵化

再來峽口渡路出萬山中兄弟築短衞衣帶垂秋風果  
實落已盡草木結寒藜候律催蟲響幽遐人跡窮遠岑  
涵夕景翠色散遙空浩渺流無定川原勢不同露下心  
逾怯潮平櫂可通遙知經宿寺應及暮林鐘

平居

平居近燕市終宵聞笛音嗚暗笛中曲懷古意何深出  
門抑誰語醜酒上危岑丘壠接荒煙哀風來白林壘壘

望高臺黃金不可尋昔人沒已遠惆悵絕古今

爲韓固菴歸田作

紀映鍾蕺子  
江寧

蓬生野田中飄泊隨風塵何如隴頭樹霜雪留孤根達  
人信委蛇中抱耿自敦朝登司馬堂夕守窮巷門大運  
有衰謝志士心長存驅車臨清川割炙娛丘樊爲樂須  
及時白日淪西軒

月夜渡東溟

微風生南垓榜人擊楫呼起看天海淨夜氣縱橫舒魚  
龍寂無聲朗月炳中樞混茫太古接蕩滌鬚眉俱羣山  
勢奔奏巨星倏有無大哉天地力送我塵梗軀

隴頭梅

嚴沆顥亭  
餘杭

冰堅礪蕙殘風勁巖松折詎信隴頭梅不異天山雪花  
從曲裏吹枝就籬前折天寒嶺路長日暮關山閉空將  
歲歲花獨寄年年別

葛鏡橋

葉方恆 學亭

平越葛鏡橋傳云葛鏡建葛鏡伊何人匹夫誓斯願兩  
山峭壁懸中流若奔箭下有靈怪藏空洞不可見百尺  
跨飛虹利涉往來便傾家不爲惜心與蛟龍戰三敗三  
建之縣延今不變嗟嗟天壤間有形卽有限斯橋寧不  
毀葛鏡名常羨

效古二首

甯 擢益賢

湛湛芙蓉鏢本出昆吾谿鼓棗光屬天太乙觀其奇心

許萬夫雄纖兒那能持寶逾十城壁用之自有時物遇  
不可常豐城同棄遺玳瑁塵土虎嘯空爾爲張雷儻  
不逢但可刈秋葵

粲者生楚國茗華豔朝陽父兄珥漢貂青樓大道傍綺  
疏結千重生小啖屑香耀首大秦珠腰袂蛺蝶裳詳步  
無巧笑掛鏡雜鳴璫阿保蔭桂旗侍兒鼓笙簧春春桃  
李姿朝朝可憐粧盛年處閨闈旁人鬱中腸

詠懷

陸 義山

江南有橘柚踰淮化爲枳美質豈自移用舍良有以丈  
夫坎壈中能不念知己敬仲爲齊囚百里困秦市致身  
各有時患難焉足耻

安樂窩

王紫綬

蓼航祥符

東山日以紅西山日以紫駕言出郊坰泉響不計里嵐  
煙媚遠鬢水風曳輕綺安樂人何歸安樂窩尚爾飛閣  
抗崇岡奔流聒石趾善易不言易後人昧厥旨塔明日  
已沉峯亂雲又起翁旬歛暝煙空谷急人履皓月帶華  
星欲去猶徙倚

香山寺夜月

王士禎

阮亭新城

明月出東嶺諸峯方悄然殘雪尚在地掩映西齋前竹  
色既閒靜松陰媚淪漣清暉一相照萬象皆澄鮮此時  
憇寂者宵分猶未眠

金陵曉發

月落驃騎航潮生鎮西宅濛濛遠林樹煙景紛如積煙  
際下漁舟樹杪帶行客何處金陵思秋江葦花白

園居詩

周茂源

釜山華亭

生年不滿百每為婚宦牽胡不棄羈縲終得返自然應  
龍豈長參高鳥亦戾天嗷嗷謝微祿耕我隴上田田疇  
日以廣筋骨日以堅人生各有役戶樞常永年結髮念  
儔侶無如沮溺賢

戊子三日偶成

孫

治

字台錢塘

春遊良可觀况復與俗遠南山來積翠青青被長阪野  
人話農桑飲酒勸餐飯相對欲忘言停雲日已晚嗟予  
謝天伐知故從此損何必華林遊卽此桃源近



雲棲

張文光 譙明祥符

壯歲不我與滔滔何太迫苦心徒爾爲曠懷聊自適導  
師指雲棲嘖嘖多奇石幽尋峭蒨中松竹疑無隙雨滋  
日罕到濕翠皆厚積精舍趣懸崖隨構自成僻想發曠  
遠心雲根費搜索森然古鏡稜天骨非刻畫堅深結草  
木高秀動煙雪頃者遊北山步步殊愛惜今爲南山遊  
情移目爲易韜光豈不幽如何遜標格北山幽以徑南  
山幽以壁

雜詩

馮雲驥 訥生代州

白月照石苔輕風吹涼雨澹澹寡所歡靜心如太古任  
子騎碧驢秦帝騎斑虎海淺黃塵飛英雄銷黑土何如

煢五雲千載崑崙圃

插秧

孫枝蔚 灑堂三原

皇天憫老農需澤滿前溪曉起集四鄰插秧時難稽已  
開牀頭甕復烹墻上鷄手力互相助卽此成提攜叢生  
數寸苗蕃育等蒿藜莖弱根不肥拔之出陳泥珍惜頻  
顧盼不聞兒女啼分種向何所蓮塘東復西早潦慎蓄  
洩從此勤補畦何時稻鍼水生理各不逃饑者禮最恭  
歌者聲漸低客行乍逢此中心正凄凄久別長沮友恆  
慚冀缺妻

閑居感懷

寸土能生草寸燭能照人丈夫在高位何以利乾坤被

服美衣裳舉族多懸鶉往來乘駟馬骨月困風塵所親  
尚如此功名焉足論君見晏平仲慙愧七尺身

送宋轅文南還

馮溥 易齋益都

天地浩無涯吾心與之俱俯仰觀物化夢覺適遽遽美  
人振霞佩芙蓉委路隅忽焉愴予懷歎息秋光徂

吳門歸舟紀事

李以篤 雲田漢陽

士貧勿逐暄逐暄損人骨不如守蓬蒿猶得寶膚髮所  
以古高流行歌採薇蕨我本厭奔競學步便蹉跌今年  
人日前迢迢事干謁強顏僮僕嗤違心資斧竭先之太  
史書中之故交說私謂我此行知必邀甄別抑人亦有  
言此公風雅列子名自稔知握手定欣悅所見不逮聞

進賢誠難測一見榮萬戶一語生兩翼登堂雙拜跪出  
門三罄折主賓禮岩夷尊卑勢濶絕或曰官方然那可  
爲人褻水乳自有時姑待勿遽決兩議俱嚼蠟歸寓且  
偃息釀薄難買醉風寒如我尅清夜捫心問是役誰爲  
勒原本有微意乖願寧先識兕曹不努力阿翁忍偏仄  
此後動妄想尚其鑒覆轍

古意 二首

嚴允肇 修人秀水

南方有異鳥自名爲鳳凰饑飧瑯玕實渴飲瑤池漿戢  
翼大水濱天地生輝光一飛九千仞六翮凌太荒如何  
鷄與鶩同聲笑其狂羽儀復誰待不鳴而自傷  
奇石有五色鍊之可補天不逢女媧氏沉埋幾萬年潛

德世所貴榮名豈徒然一心抱幽獨不憂世無傳

讀杜詩感懷作

程封石門江夏

杜甫雖窮愁客居適性情或課伐陰木或督墾香稻豎  
子得阿段隸人有信行及呼樹鷄柵催令宗文成又復  
示宗武攤書滿牀橫世亂憐渠小此語尤足驚緬懷天  
寶間獻賦聲錚錚不受河西尉卑官墮溝坑纏綿盜賊  
中狼狽一身輕得拜左拾遺上疏救公卿何如去秦州  
橡栗代鼎烹困頓依巖武尚敢瞪雙睛至今文章在能  
令光焰成奚必通金閨白盡髮中莖

往嘉禾行鶯脰湖中

鄒祇謨程村武進

客遊倦休憇孤帆乘翩躚緒風薄千里泠泠桂楫開  
芟發照耀萋柳媚清漣仰望碧雲合曠然知空山倒景  
不能發餘暉生紅泉愁來憤方結理至累已捐滌蕩悅  
心耳杳冥思神仙琴高騎赤鯉揮手隨芳煙不有金樽  
醕誰能勤周旋波瀾虛曉月渺渺區中緣去去謝湖水  
綢繆永勿諼

舟泊水陽

用東坡夜泊牛口韻

榜人倦修涉停橈村市口寒鴉日夕噪古樹半楊柳魚  
蝦不論價賤等園蔬售囊剩青銅錢滿沽水陽酒獨酌  
坐蜻蛉新歌唱銅斗舉頭攬素輝飛露沾裳久不寐自  
耿耿無乃為俗誘大隱諒所懷未得菰蘆守揚舫過敬  
亭印招企我友乞食時叩門淵明亦拙陋世上諸小兒

紛紛誇疾走

詠懷

彭孫通海鹽

富貴多危機貧賤心不愉  
客遊常戚戚鄉里無遠圖  
人生安所適四顧無一娛  
東望有仙山山勢鬱以孤  
三百七十峯黛色天下無  
銅乳穴內流螢芝石上敷  
排雲凌清海御氣馳蒼梧  
舉手招霍龍我欲與之俱

感事

羅人琮紫蘿桃源

蜻蜓占微族任天何揚揚  
弄水能無跡遊花妙飲香  
方厖伯勞避未計蛛網張  
投身款款際力盡困翱翔  
亭午偶散步倉危入瞻望  
歿生爭瞬息惻然為內傷  
持竿破蛛網困體落我傍  
初解羽翼縛徐散股肱僵  
還爾輕捷

質高飛入蒼蒼端坐思  
蛛網殺機巧伏藏雖收意外獲  
往往多凋喪何如肆掃除  
勿使列楹廂顧蛛長孫子卒  
業出故常禁此不獲展生理  
安得將造物無全仁相養  
每相妨恩愛固莫解怨毒亦  
終償二物無何有區分歸  
澹忘

詠史詩二首

王熙胥庭宛平

天道何茫茫時事多風波  
山川鴻鵠飛落影在網羅  
川流紛森渺山光森嵯峨  
淹留不復還慷慨為悲歌  
懷古陶淵明隱居託岩阿  
寄辭歸去來三徑非蹉跎  
愧彼北山文無顏對煙蘿

李廣不封侯馮唐老郎署  
雖有凌霄翮束縛鮮軒翥  
朝

趨長安道車馬紛賓御高位無嫌猜逡巡成貴倨歲短  
途路長胡爲永終譽蒼旻那足恃年華日已去寄語後  
時人功名難急遽

石門澗

李 澄鏡月  
高郵

石門峙巨壑匡北擅奇觀七嶺既登頓厥志轉洄沿樛  
枝胷危棧文石瀉清泉雲峯疲應接鳥道勤攀援雙闕  
何嶙峋千仞削蒼寒丹葩耀清谿高館抗層巔緬懷嘉  
遯人凋謝已千年淙淙聽懸瀨寥寥望人煙猛虎啼空  
堦老僧常晏然返照到崆岑微風吹蕙荃境幽慮自遣  
理愜跡已遷褰裳下碧澗暝坐欲忘筌

雜感

董 含 榕菴  
華亭

江離產別渚孤松挺絕壑地遠無人知幽芳自榮落君  
子稟至精神氣迥有託皎如山頭雪渺若雲際鶴室邇  
人何遐翛然對寥廓

偶成

陳玉璣 椒峯  
武進

白鶴摩霄飛耻與羣鳥伍梧桐生高岡凡卉何足數所  
以達觀者曠懷在千古悠悠行路人跼踖何太苦行將  
謝塵鞅長嘯山之澗

壑庵泉石

項景襄 翁山  
仁和

荒榛迷古術仗策尋新蹊蹊轉知谷邃林深見山棲倒  
樹爲之架空水絕塵埃俯玩池中芷仰觀浮雲飛追尋  
朝市遊賞心誰與披長此世外客開樽惟恐遲興酣發

長嘯高歌樂皇羲

詠懷

曹垂璨綠岩上海

農夫勤四體甕中尚無粟女紅不下機卒歲尚無服顧我愚且拙偶然得官祿直道今何如歸臥北牕竹視彼勞形者自愧亦自足以此方寸間淡然無所欲

白頭吟

姚夢熊襄州太倉

婆娑點雙髻窺鏡成霜色妾自抱貞心羞記當壚日君恩日已斷妾心日已傷故人既如此新人復何望

東谷看紅葉

李鄴嗣某堂鄆縣

涼風襲輕裾思向白雲谷昨夜月華清曉來霜氣肅忽地清蒼勝眩若百繡軸使我千萬山一一醉霞麴就中

最佳處猶在山之麓徑轉一峯寒應接不暇復翻憶停車句閒遠意可掬歷亂因妍媚蕭索亦綴目故人在何處瓢挂湖山腹坦性愛蕭散匡徒常跼蹐髣蒼已晚年興高不少縮此時茗雪間豈減瀟湘幅遙知一枝筇當在綺筵逐掀髯時一笑題徧落紅木

過三山泊芝蔴港望采石烏江

張養重虞山山陽

朝揚三山帆夕望采石道落日照大江歷歷羣峰好皓月從東來波光澹空森陰雨久鬱結見月舒懷抱我思古之人百端情繚繞風流委逝波霸業亦衰草不如飲美酒一醉乾坤小

七里灘

七里灘何長亂石紛紜列四顧眼迷離旋行何蹙躡直  
下巴復難况迺路轉折怪哉操舟兒雙手輕提挈風波  
頃刻定一去同電掣在險只尋常過險翻嗚咽悠悠對  
儔侶回指千堆雪

雨後歷所治田園

曾傳燦

青藜  
寧夏

惰氣足致厲駕言勤東畝不識老農性常因失土宜我  
既不力作艱難課奴兒春欲先耕稼積雨沒川坻禾苗  
長且壞渚田破深畦未歷農家苦安知憂天時少年事  
意氣耻為衣食資所用失其道因之多餒饑俯視川原  
間草木何離離水長猶可涉雲深不可思萬物各有故  
吾生無足悲

詠史詩

宗

觀

鶴問  
江都

盈盈越溪女幽姿何婉孌顧盼臨水妝初日芙蓉倩玉  
帛既無媒妍媸勿復辨東家醜陋質羅綺一何衒旦夕  
殊涼溫詔下良家選輿馬塞街衢光華路人羨如姬入  
臥寢婕妤專漢殿為謝浣紗人娥眉不終賤

雜詩

許孫荃

生洲  
合肥

大江恆東流白日易西馳去去不復返逝者自如斯盛  
年豈可再樹德務及時古聖惜寸陰取鑒良在茲

送隱上人南還

葉舒崇

元禮  
吳江

我師煙霞姿卓錫隨所處三載滯京華一衣歷寒暑忽  
逢秋氣佳飄然念歸去行行望故廬芒屨誰共語未染

楚山雲尚帶薊門雨離別易感人况迺天涯侶落日渡  
長江相思渺何許

在東甌尋謝康樂石壁畫像

陸圻景宣  
錢塘

揚舲溯中川振策遵北渚層雲覆宿莽歸禽響遙浦日  
落客子衣悠然懷太古微步陟巖岑瞻圖渺遐舉道氣  
多澹心山林鄙絲組因知獲勝遊沐浴成曠宇西堂邈  
河漢春草蔓江滸去去從此辭行行詠芳杜

錄別

陳廷敬說巖  
澤州

北風吹河梁明星隱歷歷悠悠征馬嘶驅車將安適白  
日照東隅黃沙掩行跡念我同袍人高舉奮羽翮榮名  
如卉草霜露忽復易去住各有情長歎竟何益

酒趣

許虬竹隱  
長洲

淵明好泛杯劉伶復荷鍾千載多酒人中情暗欣洽酒  
趣果何在利名不敢狎

詠懷

舉世含競奮誰為事委蛇吾道薄旦晚悠悠太古恣觀  
彼抱非常築室南山陬經世存大畧鍊氣人希夷虛名  
天所疾何敢早見知停杯看寶劍中夜光離奇煥發本  
非難所難在自持不遇赤松子寧與黃農期

感事示諸子

梅磊杓司  
宣城

晝夜有盈縮草木有榮枯人生世路間安保無崎嶇寶  
劍但虞折素絲况易汙要當問寸心名義不容誣悠悠



道旁口誰者爲丈夫

送酒

隣家送酒來所苦無客至吾非惜其酒獨酌難深醉倚  
枕聽竹喧開牕接松翠梅花香正繁繞屋輕風墜平地  
野鴛鴦兩兩水中戲幽獨天所私此意須自秘

古意

楊大鶴 芝田武進

鴈影落雲中聽與寒塘接芙蓉生輕綃深江不可涉高  
岡吐朝陽寒露冑衰蝶梧桐比君子秋草比賤妾君心  
如蘭橈妾心如桂楫所思紛難去下堦拾柿葉裁成合  
歡勝藏之璚瑁篋

慈姥山

風湍凌越緬汀渚屢迴復洩雲濛驕陽清川障林麓蒼  
藹嵐滋翠瀲灩波搖穀候汐列空罟眠芳戲孤鶩猶夷  
一弭櫂窮索更登陸紫樵積陰厓黃鸝轉深木巖遯覩  
松杉湘感雜篁竹側塞洞壑幽下瞰洪波泱終同物外  
御暫竚區中目息心抱明發白日詎云速

古風

程可則 石隴南海

威鳳誕靈姿其羽爲文章生當明盛世可以鳴朝陽所  
遭未得時斂翮悲摧藏耻與燕雀伍羞爭鷄鶩梁我我  
梧桐枝日夕凌風霜吾德苟未衰安用接輿傷

擘鏡見白髮

駱復旦 叔夜山陰

憂愁歷四時疾風震飄瓦擘鏡澹衰容白髮浩盈把百

年瞬息間榮名良亦假安得五畝資偃臥南山下

詠懷

賀宿丹天士

寶劍重千金安得雷煥知塵埋置匣中光彩時離離世方售鉛刀持此將安之

贈劉小渠

彭而述禹峯鄧州

曰古長安寨穰東六十里土墻高四圍下有盧奴水殘壘炤紅陽腐草化夜光白茅數間屋春燕巢其梁石塢三寸竹乘風嫋嫋綠主人能愛客况值醇酒熟

雨餘

劉逢源津逮曲周

雨餘一杖輕林塘引秋步溪漲石梁平別尋花間路徑轉岸稍頽丘壑莽回互奇石擁秋花寒苔蝕古樹孤亭

不逢人偶得閒中句石磴久徘徊林外山光暮

澗泉

王曰高北山莊平

下馬步深山忽聞清澗響似有幽人琴坐臥白雲上詰曲歷寒流旦夕遙相望勞勞行路客幾回心目曠

禮真定天寧閣大悲像

王岱山長湘潭

象教入東土巨麗遍川陸茲像踰百尺范金窮九牧摩尼浮虛空金碧散朝昱傑閣千層雲至頂辨眉目天眼矚重幽悲憫此萬族神臂隨示現多寶各滿握提婆禮足泣修羅亦潛伏側聞實相義蘊空棄枯髑一真充法界色相皆朽速堪笑隋梁人白業遺土木

子瞻焚麥粥作詩處

昔人偶作詩好事遂傳記子瞻在世時遷謫無不至空  
有奇才歎不使安其位慙慙明主心何如野老意不乏  
人中龍眼前却捐棄葉公今古同真龍翻不識

松下讀焦貢易林

杜 漢 涪州

大道託書契煩膚虧真元重傷至人心冥搜契天言上  
追雅頌體以揣大易根筵甲具啼笑詼謔洞明昏動變  
達物象神明悶靜存作息義文庭寢食先聖樊寓言鑿  
混沌斯論良已寃掩卷思退藏貞悔窮其源嗒然松下  
人身世徒瀾翻

寒夜怨

凍草不可結寒樹枝相依蛾眉夜分明愁思安所歸漏

遠耳轉親月落心欲危孤衾光明滅照見雙鳳絲迴眸  
歛精鬼悲來還自持寢興忽晦曖息定意旋移殷勤結  
良夢爲寄心相知

擬遊仙曲

周 燦 澹園

東方有彩雲飛來入我堂寒衣乘雲去瞬息歷八荒忽  
過太微宮金闕玉爲梁瑤草當堦生白鶴戲銀塘庭前  
老桂樹冷冷氣生香仰觀堂上人朱顏佩明璫食我青  
精飯飲我沆瀣漿貽我紫蘭佩披我素霓裳回視足下  
雲化爲彩鳳翔逍遙隔塵世優游壽無疆辟穀求仙者  
勞勞漢張良

審交

次孟東野原韻

錢肅潤

礎日無錫

萬卉皆有托兔絲獨無根纏絲人世間荏苒不足言松  
栢出野外本盛枝亦繁柯葉貫四時根蒂還並存天地  
不能老雲雨不能翻君子是其伍歲寒斯可論

雜興

金德嘉 會公廣濟

田父急春作犁鋤夾廣路我生天地間悠悠何所務種  
麻不滿丘種桑不成樹鷓鴣顧我鳴忽復舍我去好風  
江上來吹向芳菲處薄言就東鄰橫經理章句

春陵署中構小廬

柯 斤初如善

亦欲構華軒重念力役苦旬日遂成廬短牆聊築土竹  
枝密作椽大者編成戶覆茅敵寒風經雨隨時補自喜  
水署中幽曠同村塢夙昔無俗情冥坐遊皇古披吟足

賞心草木靜為伍小鳥啄簷前林煙光欲吐積翠疑山  
深絲桐靜可撫高臥夕涼陰我友懷巢父多謝機心人  
擾擾奚足數

棧道中作

王庭 邁人嘉興

人行山上高天在山中小圓暉易沉夜初陽遲報曉馬  
走山樹巔飛鳥出其下雲連深洞迷石缺危橋架七盤  
非險途三秋足清景日夕流泉聲誰能辨喧靜

故友

陳襄 思菴文安

別日常若促會日常若遲昔無旬日隔今當幾歲時豈  
曰無他人念子意不移相須既車輔相和亦墳篋中誠  
無內外肉骨豈參差舍我道路傍悠悠中心悲願君惟

古人以慰長渴饑

出門

梅清淵公宣城

獨行知路遙獨宿知夜寒濁醪忽易醒旅思生波瀾不  
愁客夢短但愁歸路長如何未百里夢中皆異鄉攬衣  
起長坐四壁聞寒螿

紀遊

歸允肅孝儀常熟

達人秉夙尚抗志凌霞表籃輿陟層巔憑高恣遐眺有  
時策馬度曲徑攀蘿薦俯仰五十年探奇事杳渺仙人  
王子喬方瞳綠髯好歷落訪舊蹤留連浹昏曉

賦得挂席拾海月

送蔣馭鹿之閩

楊瑀組玉武進

月出起東海迢迢薦涼秋水濶天無垠欲挽不可留中

有萬古藥靈杵聲悠悠美人住深宮秀色弄清柔浮槎  
動八月犯彼斗與牛天邊失蟾蜍夜靜魚龍愁三山多  
列仙縹緲金銀樓拍肩更携手逍遙恣遨遊

薛城

顧大申見山華亭

我登古薛城四望長太息此地孟嘗君鳴鐘會食客西  
撼虎狼秦陵原羣失色再相綰齊組萬家張封邑長鉞  
鼓幸舍狗盜揖左席一朝歸山丘車騎散敵國歌臺隳  
狐狸野火燒冢域誰抱雍門琴彈之萬古宅

夏日村居

劉體仁公職穎川

燥髮鄙流俗安持一卷書棄之走門薄內熱應有餘豈  
知世所便睽睽不如初上客集喧呶袷服誚蠹魚詩書

愚人具坐此成趨起且復鋤黍田但免尊中虛

七星巖觴咏

吳秋鴈山錢塘

田間望巖曲蒼蠹凡幾屯或圓如碁峙或兀若獸蹲雖無千仞高骨立氣亦尊古樹謝地力風霜蟠石根其勢善拏攫虧蔽白日昏蜂房綴僧廬鳥道緣壁痕端筵對深秀瘳削如可捫長嘯獨登頓酌勞藉山樽

贈別屈大均歸番禺

徐嘉炎勝力秀水

翡翠巢南海翩翩西北飛口銜明月珠隨風生光輝瑯玕不可遇枳棘非所棲願得乘雲翔飄飄任我之踟躕將何適願望心懷歸江路永且深煙霜渺以悲

雜詩

單虬昭素蕭山

鬱鬱枯桐樹本生龍門陰爨身釜醬下裁為焦尾琴絃以獨繭絲徽用雙南金鼓之后夔手一彈鳳凰鳴迺知異山材終發廊廟音向非遇知者火滅同灰塵

吹臺

魏憲惟度晉安

大梁之東南萬柳擁碑碣懷古獨登臨羣山絲瓜甍神禹奠川勞師曠吹律絕有唐三詩人嘯傲凌蒼闕我生後數公臺前醉新月天地何微茫古今同一轍誰復知傷心摩挲欲斷碣

有感

程邑翼蒼新安

鳳皇刷毛羽飛飛逃所之顧瞻枳與棘不復言卑棲衆鳥妒其瑞鳴啄異昔時梧桐高千尺竹實垂繁枝鷦鷯

巢其上往事誰敢思

憶西湖浮菴

許友有介侯官

我有剡木船宿于蘆花邊野客隔岸呼渡之共悠然釣魚得生趣買月不須錢舉酌竹篷底大斗浮十千酪酏一長嘯驚破雙湖煙古寺曉鐘起松陰波上眠

裸咏

李鴻靈厚餘新城

冷冷新移竹風動勢凌雲灼灼新栽榴鬚萼垂續紛如何年老大鹿鹿曾無聞矯首策西隅謾言日已曛高適年五十學詩千古欣勿復仍驕懶古人以為羣

午日勗躬詩

熊正笏元獻漢陽

裘葛不可待節序忽云遷浮湘思楚客憔悴匪徒然達

人愛須臾君子重百年遺芳及今日弔屈楚水邊我生苦太後高名識簡編孔顏久不作大道忘初傳緝衣崇梵釋金丹學神仙吾徒事章句訕笑落枯偏立身違矩度處世乏經權敢言邁流俗所志在聖賢高風與令節俯仰寧無愆

閑興二首

毛先舒稚黃錢塘

大椿老千歲權落還復開譬彼兩客過留之同舉杯一客久長坐一客屢去來坐者未為壽去者何足哀壽夭等齊觀于我何有哉

書卷伴我獨忽然生遠思水流會有任雲去行安之逝者既如此歸處當何期靜想了無得以此坐自疑且復

置書卷問之無何師

放歌

龔百朋升璠武進

乾坤一以定寅亮歸人功翼贊苟無才天地為之空夸  
父微力竭女媧小智窮隕石不知誤鵲首將焉終射烏  
九日落鞭海萬壑紅安得天門開廣樂聞絲桐

題黃山畫冊

楊雍建以齋海寧

黃山遲予久陰雨阻所期三十六峯裏寤寐徒參差尺  
幅藏天險能令情性移毫端怪石供謾謾松風吹雲物  
任變幻避茲意想奇手闢方壺境容成安得私臥遊迺  
竟日慰我長相思

感懷

吳翹松巖吳江

淮陰方泥蟠受辱忍勝下當時非漂母誰哀王孫者簞  
食為德微歾生直取舍淵明乞一食冥報良非假

襍詩

蔣遵路路然無錫

海上煮寶鼎海水不盈尺海若命龍女嬌姹拜前席手  
捧雙明珠團團類滿臆時珍何足賴道成註真籍叱之  
擲泥沙鑪光炤天赤

擊劍行

顧豹文且菴錢塘

少年學擊劍拂拭蒼龍精秋高夜長嘯照人心膽明羽  
書下郡國天子方徵兵氣豪不復語長笑辭父兄慷慨  
赴奇功耳後風雷生獨褰上將旗暗奪涼州城事成讓  
來者蕭然謝公卿威鳳失勢去鷗臬相和鳴白頭老茅



簷兩目光崢嶸見客重然諾中酒波瀾驚斜日狎故交  
過從性命輕悲風西南來揮手黃雲平

襍詩

董黃律始華亭

功名我所願富貴不可爲趙王顯蘓季秦人榮李斯勢  
位一朝失俄頃榮華移禍至不旋踵黃犬徒生悲被褐  
衡門下寵辱我不知好鳥翔林木安棲在一枝高飛良  
冥冥弋者何所施

訪徐高士隱居

汪懋麟蛟門江都

鴻鵠巢高林日暮得棲宿蛟龍穴深淵非時任潛伏徐  
孺冠衆儒早年笑流俗名譽重東吳持身如白玉拂袖  
忍高蹈變名入空谷抗懷慕龐公劉表豈能迫山深常

苦饑風雨卷茅屋世事不復聞枯槁同草木深心託書  
畫薄換一囊粟聊以保性命著書千兔禿膝下所嬌兒  
藏書不遺讀大兒學賣藥入市就餽粥小兒學荷鋤應  
門代僮僕偕隱有瘦妻補綻衣斷續猶幸不餓歎豈復  
念梁肉平生慕禪悅遠公時往復携我訪陶潛柴桑自  
幽獨入門無一語發書共我讀卓哉醇儒言經史理尤  
熟談深日將夕酌泉苦留僕他時欲重來只恐失樵牧

山中晚步

俞南史鹿林吳江

林居寡朋儔獨向西山麓此時人意閒景物娛吾目攀  
蘿陟崖端攀芳憇澗曲不聞樵採喧靜聽泉流續因懷  
洗耳翁千載追芳躅霜楓照夕紅露菊含秋馥喬木落

雙禽村煙望羣牧遙聆晚寺鐘悠然意已足

雜興二首

趙賓錦帆陽武

鬱鬱天壽松青青亘百里上枝拂層雲下根盤澗底謾  
謾濤聲作白晝日光歿鬼神朝陵寢飛鳥不敢止一朝  
摧為薪萬山頽如洗行人感故物流涕何能已

青樓臨大道朱闌出半天上有燕趙女碧紗隔輕煙高  
山鳴玉軫白雪吟錦箋門前車馬客流盼自生妍千金  
買一笑朝食費萬錢豈無糟糠婦契濶動經年椎布廢  
膏沐塵土老朱顏

平疇鉏蔬了呈南鄰諸公

萬壽祺年少徐州

陋巷不容轍車馬來亦稀日出犬鳴吠居人尚掩扉荷

鉏向南村繁霜侵我衣我衣敝不完聊以禦寒威天高  
晝苦短冰雪方滿畦編荆不盈北朔風晨夕吹家貧歲  
云晏未足備晨炊腸鳴軫中夜嚴冬行且除春風從東  
來卉木先已知

雜興二首

薛所蘊行屋孟縣

鳴鳶嗜腐鼠鳳凰甘竹食大冶自同鑄秉性各有適蟬  
鳴高樹巔湛露沆瀣滴羨彼幽林中炎天吸清液  
海上有仙山森森煙水隔我欲躡其巔而苦無舟楫曾  
聞麻姑言幾見滄波竭安得偕韓衆與之溯溟渤出入  
蓬島間永謝簪纓客

易水行

黃周星九煙上元

越王戰笠澤兩翼分精兵還憶會稽時此曹多未生丁  
年懷大辱白首定雄名蚩蚩燕太子刻期遣荆卿

擬古

徐士俊 野君 仁和

古人雲霞交自具日月懷何因喪敗多多此長安街升  
沉改顏色白晝成陰霾車聲爭憐憐鳥鳴空啾啾十年  
不出戶天地在寒齋春氣生草木故人時復偕一朝有  
微名遂阻昇仙階廢棄當不辭坐看鴈行排

擬古

曹爾堪 顧庵 嘉善

萋萋墻下草啞啞城頭鳥悠悠念行客渺渺征長途途  
長戒紆軫萬里翔離隼雙鯉來無期江流自清緊惡木  
多頑條黃河多濁瀾進德勗自我黽勉當歲寒榮名同

所寶不恨別離早明月上流蘓鑒此紅顏好紅顏肯如  
昔何事長相憶

遼后梳粧樓遺址

雲堆黝石高老魅穴敗瓦何代遺此丘荒涼古臺下衰  
柳寒鴟驕廢壑秋泉瀉悲啼鳥啄木蕭瑟鼠憑社芰荷  
凋金風景物不堪寫當年環珮來鈿翠何魚雅紅顏瘞  
黃土舊日承恩者

古意

白謙 東谷 陽城

海燕忽飛來亂我梁間塵雙飛復雙語似謂別離人別  
離不在遠情至難為親君當念蘭蕙庶以及芳春

擬古

王光承 玠右 上海

長安小家子十五入宮門君王假顏色富貴若平生中  
宵出片言封侯及六親婕妤謝病去皇后亦路人白晝  
望西宮但見風與雲一顧使人好一怒使人老君恩如  
流光豈得長相照得寵且莫驕掖庭多年少

寄龔仲震

薛耳固庵武進

智士不惜死投分在一朝太行有飛雪經歲常不消丈  
夫貴知己寧愛濠梁招謀身愧無術意氣空自豪利劍  
既在手薄海同久要

湖村雜記

方來脫菴潛江

往者湖源涸粼粼沙痕長反於鹵瀉地而獲秔稻香今  
茲春徂夏澍澤潤天光老農督課倦曝背桃花岡麥枯

驚春曉化爲布穀翔布穀荒荒啼辛苦隴頭郎三日娶  
新婦五日餉黃梁新婦不識路小姑前提筐笑指舖餐  
處煙落野田蒼

雜詩

張彥之洮侯華亭

征夫夙晨駕驅車泰山阿磊落懷辛苦嶽寄生風波狹  
路阻且長徘徊戒中途白霧滿瀚海愁雲紆藐姑日暮  
向何處行行多軼軻

出郭

宋犖牧仲商丘

出郭行非遠林壑相因依散步發逸興茅茨帶斜暉牛  
羊下綠坡一一望柴扉徑轉桃李熟溪平魴鱖肥翠荇  
牽復流小燕定還飛恍見避秦人獨自坐漁磯山中輕

禮數攘攘竟安歸

雜感

袁元北海長天

秦立無字碑欲以愚九有項王不學書學劍自刎首不用魯儒生馬上翁豈久渾沌既不還詩書空敝帚

貧交行

沈攀雲步吳江

人言羊腸險我言羊腸平羊腸終不改人心多變更結交尚然諾轉眼驚風鶴如何金石交貞心不如昨所以歲寒姿窮年學守雌濕雲生戶牖高詠乘車詩乘車風物好豪士浮家早珠履委路傍開樽戀芳草勸君莫彈冠彈冠旅髮寒勸君莫彈鋏彈鋏悲風咽懷哉拾紫芝風雨暗茅茨歎息舊知遠新知能幾時

感懷

董俞蒼木華亭

琥珀藏松根珊瑚沉海中用力苟不深異寶安得逢余性耽著述矻矻忘歲終春風拂堦除冰雪漸以融起讀所著書體拙意自工榮名何足貴聊以快心胸

釣臺

方象璜雪岷遂安

垂釣俱無意顯晦各有以至今憑眺間先後殊難擬飛熊力佐周東海表賜履數傳泱泱風無復紹遺軌客星偶共臥占異驚太史不為天子臣猶是故人耳如何巖瀨上千古雙臺峙帆檣名利人瞻拜動仰止試問釣磻谿何似釣桐水

山夜聽子敬為在上人譜琴

韓畱經正北平

柴門閉落日悠然動清鐘于茲入寂寞遂覺塵情空空  
山夜雨來靜聽惟松風矮簷片月白踈竹孤燈紅幽禽  
夢屢移清響驚梧桐遙心自冥契百感虛無中徽絃存  
至理妙曲何由終

擬古

黃與堅 庭表 太倉

吁嗟巖壑子裋褐衝寒風一旦齋油素出入長楸宮朱  
絲絡駿馬臺隸盛所從意氣殊煥發劍佩皆從容芬華  
匪不願保身祈有終才盛恐招忌寵多防禍叢緬仰牛  
衣者感歎安可窮

夏雲

吳之振 孟舉 石門

朱明轉槐序物象動我神憑檻舒極目遙岑接遠雲搖  
曳布妙鬢紛郁羅輕塵奔突如鹿逐低昂走羊羣奇峯  
削巖石空碧間魚鱗頃刻山雨至萬象轉紛紜天地忽  
窈窈雷聲復殷殷雲雨翻覆間變態難具陳以此悟物  
理交道安足論

秋浦

郭士璟 梅書 江都

朝起泛秋浦秋浦落新霜漭漭八十里霽色如瀟湘開  
櫂殘荷邊微風空波颺西風看來鴈白雲與翱翔投跡  
不欲去終日取清光

溪宿

余懷 澹心 江寧

秋月凉于水秋水清于月水月漾空明寒光浸肌骨竹  
鷄叫青林山鬼啼翠樾坐令悲秋人一夜生白髮

咏懷

周在浚 雪客 祥符

窮途日無賴聊復事行吟酒酣時起舞一在情何深木  
葉下不息歸鴉噪寒林况有鄰家婦雙杵鳴秋砧空墻  
明月落聲聲傷我心心傷長歎息坐撫無絃琴

用白樂天韻

宋實穎 既庭 長洲

九月湖山靜蕭械聽落葉亭午日初出興發攀危坐笑  
看冠蓋客榮華伏冥禍天道有往復人事趨勤惰魯連  
江海心豈為千金鎖弘景松風間端策若觀火懷古自  
有獲任運何不可三復白傅詩悠然我忘我

送別

夏完淳 存古 華亭

馬秣車已脂借問君何之青青山陰柳是君下馬時我  
有雙玉環宛潤好顏色佩君身上衣明我長相憶置酒  
臨江臯贈君以敝裘敝裘不為薄願君思同仇日落星  
爭光行人不知處前山馬首迴掩涕獨歸去

宿上清河舟

寄周櫟園先生

王仕雲 望如 嘉州

孤舟不盈丈遇雨難跬步先生南郭還留我失晨暮獨  
對發浩歌曠望雲霄遇雨歸大江靜一滴新如故俯視  
遠天河旁觀尋古渡蘆花隱釣舟遙聞笛聲趣及時追  
夕照登攀雲中樹

詠懷

侯方域 朝宗 商丘

鳳凰自天來三顧頗迴翔羽儀肅威潔一鳴清且芳碧  
梧結秋實晚啄亦何妨千仞飛空虛胡為籠與房岐周

有聖人乃始下朝陽若非感立德豈棲枳棘傍

雲丘成

雲間胡了原爲子所壘石也

沈

謙

去矜錢塘

丘山去予宅迺有三里餘每朝望西爽輒歎仙人居天  
清身復閒時亦命巾車若逢雨雪至裹足徒躊躇囊無  
買山資因之遲結廬胡君爲我謀壘石當庭除石勢何  
嶮岈徑道復盤紆不須蠟我屐可以藏我書莫云古山  
高今山不相如

和襍詩

莊罔生

澹菴武進

翠竹蒼梧下美人誰家子晚粧明且艷錦瑟嬌相倚初  
不望知音獨就月中理

淮陰張伯玉與若

顧開雍

定齋壘亭

淮山一何高淮水一何深下有滄洲士萬古綺園心猶  
草不同臭鳴鴉不同音耕田守腴臘橫我丘中琴

登盧師山秘魔崖

朱爾邁

人遠海寧

朝行山雲青暮行山雲赫絕壑亂饑鳥壞道傷疲馬荒  
哉盧師山宿陰屯松檟揭嶂枯石開萬丈紛糾擗俯眎  
心竄驚一氣接暗啞秘魔復何爲巨石相撐扞其陰古  
柏蟠其陽哀湍瀉雲竇互攢薄林磴歛騰冶倒影亂天  
星旋風撼檐瓦回首叫青龍龍去碧潭下

集螺舟北園

閏三月十九日

王猷定

于南昌

我來楊柳黃今日見飛絮柳絮纔沾衣忽隨流水去芭  
蕉抽新條剝落棄其故新條雖可喜故根委何處念茲



白髮生能不謀歡聚王子躬且豪脫衣事酒醕狎坐四方人飄零無一遇我憂與晝長修行萬里路日光颺野馬乘空飄且在日落何所依悲風在孤樹

感遇

白夢龍曉菴江寧

芳草綠近天照我溪上閣雙鶴一鳴飛胡馬歎離索丈夫各有懷丈夫各有託君有雲中行我有湖上約黃鵠豈不歸晴川明如昨鼓翼出波濤乘風采蘭澤離別亦何憂交歡聊自樂

古詩

徐作肅恭士商丘

有鳥名周周銜尾向河梁飲啄足勞物凡族多張皇東園覆車粟羣噪競飛揚鳳凰天闕來逸音振鏘鏘三顧

始一下飛向琅玕旁飄然豈恒度高舉凌青蒼

飲酒

鄭日奎靜菴貴溪

今古最苦辛聖賢與帝王力與造化爭汲汲復皇皇何如山間子歲月任徜徉一尊常自滿青史徒荒唐

南昌送楊芝田東歸

倪燦開公錢塘

自我發石城江潮正奔注平陸引長流崇岡沒孤樹輕舟凌洪濤披衣候鷄曙斷響若鳴灘叢蘆疑過雨流光曾幾時秋風趨寒沍游子易悲懷送遠增遠慕良朋不我留舒情將焉訴終當過東臯共聽松聲度

蘭畹

曹亮武渭公宜興

山深多生蘭蘭在山中老託根山之阿霜雪不枯槁不

清言不集  
競桃李榮孤芳自相保歲歲春風香折者賤爲草我謀  
晚藝之君子聚尤好豈曰違幽情庶幾識所寶

詠懷

趙端  
又呂錢塘

閒居罕應接輒詠淵明詩愛彼黃金花盈盈滿東籬顏  
色非不好苦爲蔓草欺晚節徒自尚孤芳竟誰知試看  
秋令至涼飈發堦墀菁葱一時盡獨有凌霜枝

秋日送蔣侯齋還吳

高兆  
雲客候官

早秋暑未息清雲朝獨飛原隰芳草歇川岑冥鴻稀  
菖搖華沼芙蓉榮幽磯之子當素節客心悲締衣宵戒  
辭舍館晨裝指郊畿修塗煙駕卽故鄉鳥路微行益集  
祖餞高冠坐歎唏昔結海隅歡今各天涯違河流勢瀾

瀾鳴駮意駢駢無繇止樂飲空勞停眷依時哉苟有會  
白下吾來歸

雜感

吳穎  
蕪雪溧陽

求官不讀書求富不種田蚩蚩信天翁天道何茫然文  
章貴盛世稼穡賤豐年

雜感

葉襄  
聖野長洲

結交遍天下晚交屠沽兒一言相然諾白刃難以移咄  
哉魯諸生碌碌安足爲繁詞富高議纖慮常百疑蹒跚  
殉瓶罍安坐希匡時大業久淪喪斯人復奚宜

曠望

秦松齡  
對巖無錫

屢從偈仄行忽得曠然致推篷一舒望心目兩俱棄綠

清言不集  
樹亂若薺清流細如織沙淺游魚稀灘平文石積落日  
明前川殘煙渺焉寄神移象欲冥復見一山翠矯首屬  
歸雲寄我澹澹意

清誠 二首

徐 潮 浩軒 錢塘

但聽車音馳應知非仲尼但觀舟形歆應知非伯夷舟  
車雖偶然隱微從可窺卓哉大聖人流風千載遺  
不敢拙首陽豈卽工柳下清惠適攸宜龍蛇從物化

阻風

李必果 仁熟 漢陽

家居不得意薄遊遇復窮遭際既如此咄咄枉書空鄰  
舟先解纜猶滯江湖中行止各待時蚤暮理亦同終須  
致萬里不羨馬當風

江夜鼓琴

王孫蔚 茂伯 臨潼

清韻素所好夜懷幽更情坐撫江亭月涼影動碧潯少  
焉微風起颯颯吹霜林七絃不待鼓悠然廣成心此際  
發真響雲氣橫高襟萬籟謝潮寂天地存孤琴因之怡  
我情豈必中散音曲終鶴唳遠山高而水深

感遇 二首

宋 昞 懼聞 山陰

巢居者知風穴居者知雨歷亂堂前草螿蟬蟲聚人  
生天地靈沒沒無依據風來遶樹鳴雨至蒙塗汚寸心  
葆朕苗鬼神道不古忠信不可爲夷跖吾誰與忠信而  
可爲嗟來食無取

誰言天下士碌碌無有殊所謀在衣食斤斤保一軀畏

人如畏虎投足罹阱罟顏色何衰醜狼蹙跋其胡世無  
信陵君毛公皆博徒一言深感泣風雨為號呼

雜詩

喬 萊石林寶應

鷺啄先偃絲鷹捕必弭角志士多苦心戢影藏鋒鏑壯  
鳩易所戒大勇色必弱牧馬寒抱冰聞雷箸忽落養晦  
道宜然古人有深託

望海

彭 焱然石黃安

耳目何涯端瀟瀟水天逼終古此鴻濛開鑿窮禹力沉  
漭不可求日月愁吞蝕長鯨一以號萬支如泔湔擊波  
碧火熒斗杓生南北霏霧隱蜃樓別司天地職崇秩望  
溟茫黃雲不世霽沉壁古先河萬靈歸有德

別毛中人

董以寧文友武進

結交長聚首不能滿百年何當復分離參商各一天仰  
視雲中鴈鍛羽還高軒豈無千里程並翮何翩翩涼秋  
八九月北風吹我顏携手河之干行行不能前恐傷君  
子心忍淚空自憐

和陶

李遜之膚公江陰

北海持大義委蛇以救時德祖固小兒聰明逞言辭處  
亂不得晦取禍每加茲胡為彌正平痛罵更不疑咄彼  
荀文若讚頌以相欺究竟同一歎全節實難之

襍詩

周 綸鷹垂華亭

予幼好奇服淹留竟何成姱容不世出蕙質乃見輕貂

清言初集  
冕據高位路逢皆密親失意須臾間姻媾還相傾何況  
短羽翮奮飛徒逡巡

夏日嘉禾登褚孝廉峰在閣

孫自式

風山武進

高閣白雲裏相招共怡悅開襟受涼風不覺生冰雪孤  
墻當牕牖平疇接林樾時時見山僧來往踏松月竹密  
常晝陰花繁白夜發主人意無窮清歌時散髮

明月篇

仲弘道

開一桐鄉

日落峯樹西華月繼巒表灑氣羣共披清輝苦不早  
甕設檐廊擁坐連翠草魄影浩然來明湛如復曉登閣  
倚層霞天高海邑小夜禽靜前林莎鷄鳴別沼繁星粲  
木滅行雲益飄渺玉簫聽悠揚瑤瑟又窈窕感此幽境

佳流光若易老

古意

丁耀亢

野鶴諸城

大魚善吞舟次魚能截流小魚但濡沫淺港畏垂鈎伏  
身蘆荻根潛與蟲沙遊既無風雷力亦免鼎俎憂

述懷

二首

李國宋

湯孫典化

天地有不足人反求其餘積財若丘山所用需錙銖放  
于利而行終將爲禍樞何氏競滌侈曾迺受厥辜日食  
費萬錢不敗復奚如

威鳳不苟食所愛青琅玕離窰竈下士辛勤求一餐寧  
不貞苦節饑渴良獨難甯子疾商歌飯牛干齊桓楊目  
歎嗟來千古爲悲酸

感遇

白夢鼎 孟新江寧

巖築有佳夢明良徵浩歌紅顏繫朱鷺黃鳥青春過丈  
夫有知遇二毛非蹉跎起視星辰光爛熳照大河及時  
崇明德日月正以多所當秉燭遊其如幽棲何

道傍見采桑者

韓魏 醉白江都

二月桑葉稀三月桑葉厚葉稀憂儂心葉厚傷儂手提  
筐岐路間仰面露雙肘辛苦飼蠶忙年年好春負新絲  
輸在官未能及姑舅君看綺羅中曾有采桑婦

磨劍歌題昌子家圖

何絜 雍南丹徒

囊中二尺鐵清映高秋水夜半光氣騰隙月飛煙紫今  
日出君囊鬼母不敢視入水斷蛟螭入山刺虎兕淬以

鵝鵝膏瑤瑤落石齒一片寒霜生金風吹不起直逼星  
辰搖白虹為驚歎世有聖人興不用歐冶子還自臥囊  
中無須磨礪此

霜菊

笮重光 江上丹徒

草木亦依人得處即為家結根在天地難擇靜與譁始  
知東籬下不為采其花

自武昌至蒲圻雜詩

方亨咸 邵村桐城

林黑防衝虎仄徑苦彳亍雲荒天漸昏棲息憐興夙炊  
煙動沙渚樹杪見茅屋破壁三兩家搯稅截青竹居人  
面類鬼揖讓如奔逐厨中出新漿殷勤勞僮僕羣豎踏  
墻頭競觀招反縮田家力篷苦歲事方云卒門巷新過

兵昨日泥初築茶烹松火紅酒榨豆芻綠明府應苦辛  
支牀薦藁束莫嫌雨雪頻所幸占秋熟長鞭響前岑兒  
孫晚歸牧瓦盆喧食箸團團欣在目睠茲骨月歡俛首  
憎簪服屺岵望金臺嗟予仲行役稚子青溪廬候門指  
歸軸挂觴兀不醉所思縈心曲嗒焉臥未溫晨鷄聲喔  
喔起掃車上霜亂山迎雙轂

西山看梅

顧夢麟

與治江寧

上崦復下崦一橋連衆山漁歌日邊來湖水明相環斯  
遊本因梅餘勝猶可攀銅坑晴雪聚疑彼村中寒詰朝  
花信風吹落堯峯帆登眺猝未周汎汎橫塘灣佛寺經  
四五所至羅煙鬟永當其浮家來往菰蒲間

襍詩

陸埜

左城錢塘

清風吹羅幃明月照高堂轉展不成寐惻惻中心傷相  
彼鷓鴣鳥雙飛共相半相彼蛩蛩獸饑虛不能忘追隨  
各自媚羅列森成行賤妾何熒熒形影各一方音書千  
里絕悵望空周章誰憐獨活草不爲雙鴛鴦

過淇縣

魏學渠

子存嘉善

首春渡淇河策蹇上荒磧言是商舊都顧盼悲行客城  
郭何參差屢里非曠昔燧雪隨高丘寒風吹野麥瑟瑟  
林木鳴湛湛淇水碧斷碑縱橫陳廢祠丹青垢般社旣  
傾移周鼎亦淪溺回互古今愁慷慨興亾迹含情寄長  
謠前途日云夕

出門

陳三島

鶴客蘇州

出門何所之  
茫茫使人愁  
俯視江海流  
仰觀星漢垂  
舉世趨荒淫  
我獨無因依  
採苦充饑腸  
其味甘如飴  
存亾且不恤  
毀折何所辭  
窮途共抵掌  
俠骨輕流離  
揚旌抱桴鼓  
舍矢貫熊羆  
躍馬出戰場  
决死夫何疑  
繾綣戀妻孥  
子壯夫所弗爲

寶帶橋望太湖諸峯

曹鑑平

掌公嘉善

息帆憇澄江  
垂虹障巨浸  
長風鳴激水  
遠煙紛空林  
企望週千里  
羣峯浮且沉  
漭泱天宇逼  
浩瀚地軸淪  
羅置諸巖岫  
灑氣何氤氳  
洞庭踞震澤  
縹緲稱最尊  
林屋杳隔凡  
仙家藏青旻  
聞有靈威書  
洪濤渺問津  
其餘皆壁立  
結構成嶙峋  
下隱熊豹姿  
上跂鸞鳳吟  
綢疊棲素波  
變幻弄喬雲  
鮫室澗壑冷  
鶴巢松檜陰  
日盪紫瀾湧  
葭飛綠煙屯  
我行日紆遠  
方且快幽尋  
旣適滄浪趣  
聊爲湖海心

退谷精舍

謝重輝

方山德州

結舍青松下  
松風常在門  
吹入戶庭間  
爽氣徹朝昏  
散髮坐其中  
竟日無一言  
但看夕陽下  
牛羊赴荒園  
忽見明月出  
照見山下村  
仙人吾不逢  
悠悠聞夜猿

過伯倫故里至安肅

魏裔訥

辨若柏鄉

伯倫沉醉後  
螟蛉視二豪  
意中別有託  
非但舖其糟  
余昔少年時  
痛飲聲嘈嘈  
白眼看一世  
胸次何蕭騷  
玉山



顏月下狼藉臥蓬蒿不識地之厚寧知天之高轉盼已  
四十頭上雜二毛颺鼠量漸狹未敢屢醜醜古人作抑  
戒所以警貪饕寄語劉沛國五斗漫相勞

雜感

錢朝鼎黍谷常熟

種竹須去稍種蘭須去根根多土膏薄梢長風多翻大  
道在寡默物理惡繁喧孔言約鮮失帝謂德無援我昔  
好文具纍纍雜亭軒一朝盡屏却閉戶渾忘言始覺日  
月貴迺觀天地寬營營夫何為悲哉蝨處禪

朗陵江上陶仙祠

唐世徵魏子湘潭

隱何必三山函何必石榔玉顏自不淄天上翻不樂流  
目注寒鼎夜來聞撫鶴始悟靈文假長愁不髓錯小江

百舟燈散作芙蓉郭誰灑衣上塵孰司洞中鑰

送伯璣兄之維揚

陳掖臣心簡深陽

晴日當中懸青天天下江水君去乘大風帆高挂空翠若  
過白鷺洲為看浮鷗戲

遊仙詩

丘象升楚州山陽

處世資待繁衣食駐精魄禮俗成羈鞅形神故相厄羨  
彼采真遊高步超常格馮虛凌倒景日月在襟烏十洲  
瞬息間崑崙與碣石悲哉腐鼠徒流蕩除仙籍試誦遠  
遊篇韓眾空今昔

寄荅汪扶晨

吳嘉紀野人海門

病渴老益甚命權還田家情人相追送贈我紫霞茶此

物瘳疾疢歲產苦不多感君回首望已隔芙蓉花花紅  
江水碧歸程盡三百茅齋林木裏明月照牀席獨飲山  
中茶憶此山中客

冬日感懷

鄒登巖無錫

壯士志不伸茫然撫今昔獨將千載心持示萬里客魯  
連蹈東海相如碎和璧意氣抗雲霄偉詞出金石兩賢  
垂高名遭時乃奮迹跼促塵埃中焉能效咫尺

晚停舟螺川以次日發嶺南

趙疑國子

心期度羅浮梅花入秋夢江上始飛越舟停若已動川  
光搖組練暝色垂蟠螭歸鴻落冥際頗勞極目送雪羽  
下翩翩白鷺引其衆吾欲與鷗侶汝曹亦伯仲南天多

翡翠網羅以入貢但恐梅花遊黃鵠隨意控

偶興

李何煒緩山

種樹青山曲繁柯碧陰濃十年還相省不衰獨老松誓  
當具杖履數數此遊從逸響與翠濤酬答若鐘鏞古人  
尊遐齡喬木尚能恭君看潛與見原不數穉龍

湖上

翁立址鏘鳴

十日不出城春雨積幽况山巒盪遙青我心適以暢一  
步一回顧倏忽寫殊狀迤邐竹林間箕踞啜村釀靜賞  
理亦足且以荅清貺

聞蟬

余國楷雲樵

兩間有廉氣亦且寄飛蟲不爭鳳凰食舉首吞太空露

寒為洗羽翮健任西東飲啄羞地力飛鳴忘天功豈不  
念口腹尚口古云窮高樹有遺音遠近聽好風鳴鴉胡  
為者腐鼠在意中未知宇宙廓羽喙自曰工共是天地  
生清濁胡不同

雜興

朱載震

悔人  
潛江

生不五鼎食死當五鼎烹屠釣與傭販立功垂令名丈  
夫各有志乘時以彙征壯往著奇節顧畏事鮮成不見  
負弩吏行辟魯諸生不見懸軾客樽沓走公卿

江行即事

汪

燧

文儀  
休寧

我生苦不早行邁戎馬日悉索到舟航傷心慘所歷逢  
人相問訊悵悵靡所適嗟余五年間寡過讀周易胡為

拂曩懷謀生慮得失欲令聞者矜肯下窮途泣

就亭

丁弘誨

景呂  
南昌

澹靜常得閒公餘發清嘯宦游落異鄉賓從况同調編  
竹纒數楹曠觀已居要雉影疊風旆蜃光散雲嶠木葉  
下微霜江流共奔峭登亭讀新詩幽篁寒月照好句易  
驚人宣城今謝朓

鹽塘觀海

張希良

石虹  
黃安

觀海莫觀水辨水須辨天水天微劃處使我心茫然空  
闊隱洪濤霏霏島嶼煙日極即為界不知路幾千潮來  
還有岸汝去竟無邊旦暮一喘息世界成桑田崔嵬雲  
霞市閃爍十洲懸飛仙莫能度矧是漢皇船安得釣鼈

竿挂到扶桑巔日出反在西神州當我前還上秦駐峰  
長嘯邀成連寂寞琴臺路誰是伯牙絃

七月十八日得胡省游書

并圖鐫  
二石

譚

籍只收  
景陵

熒惑肆炎威燒雲勢轉淖高臥修竹間有氣不得出忽  
報故人書遠自邗江發蒼然置北牕精芒掩赫日屈鐵  
真瘦硬玉筋何崩越遊學今幾年已入周秦室是子誠  
篤古暮年益罕匹豈登之罘巔親見蟲鳥跡鄙也嗜書  
晚始通李蔡筆逸少徒姿媚伯英空渾脫多病甘自廢  
眼昏足復拆况子南客久白首困旅食如何鑪錘手尚  
有蟲蠹力婆娑向鐫圖淚灑印泥赤勿干東諸侯古學  
近難識勸子急圖歸相醉老蓬草

將別劬菴南歸

方中德

田伯  
桐城

翌日一結束肅肅將遠行上堂拜長者顧盼多經營下  
堂執君手淚一何盈盈自顧但朴僂何當骨肉情老人  
愛以周俾也忘東征感君弟畜之肺附傾平生左右媿  
尺寸言歸殊怛怛太息不得已耿耿以惇惇千里雖云  
歸儲與還叮嚀百里頗難治百口須支掌拮据一身手  
安得縱以橫善保千金軀本無寵辱驚鳳皇戢羽翼仍  
向高岡鳴荃蕙雖化茅王路無陂平行當佩長劍霜雪  
來桓城賤者非賓客貴者非公卿

鄰人送酒

高

騫

處厚  
孝感

朝來土脉和龍麥都成汁強地平磨塊殺草當雨溼一

耕而五穫人我歡相得同人作新釀暇日供緩急柴門  
破成巷花逕穿鷓鴣豈不厭喧爭貧家那淡幕窺園摘  
初菟狼藉盤餐赤萬錢亦何爲晚食三舉白陶然真趣  
在不襪亦不幘回首三十年貴賤同歌泣人生如寄耳  
誰能計完缺鄰人感我言愛我稱狂客手持一尊酒呼  
徒來共集

讌飲詩

沈 漢 方舟  
仁和

清夜設筵席明燭照華堂金盤出嘉肴玉壺注甘漿賓  
客喧四座獻酬樂未央中有一妙伎羅衣散芬香嬌歌  
撫雲和流音拂丹梁人生非日月焉得常輝光不如暢  
心意一日傾千觴

送張恒庵入中州幕

楊素蘊 筠涓  
宜君

朔風正凜冽送子向洛陽蕭蕭班馬鳴分手在河梁昨  
夕燈燭下友朋具壺觴各述生平事念之五內愴交情  
三十載曾無參與商漆園共筆硯簿書亦疎狂燕臺數  
晨夕篝燈理諫章一朝鼎湖泣逐臣赴夜郎去國七千  
里惟君偕余行朝踏雲棧雪暮宿劍門霜敲詩時命酒  
辛苦慰殊方歸來讀蓼莪殷勤弔我堂哀哀痛棘人執  
紼俯路傍此意尤感激所重在綱常前年客鄂渚追隨  
戎馬場炎蒸苦蚊蚋終夜起徬徨八月秋風至一病入  
膏肓爲君手湯藥改歲始離牀廻首黃鵠磯聯舸上鄖  
襄兩載茹冰蘖每不厭粃糠羽書日旁午勞君自贊襄

清言夜集  
此別豈得已令人摧肝腸嗟余貧猶管君鬢已蒼蒼饑  
難爲君飽寒難爲君裳君雖甘澹泊余意殊恐惶伊洛  
與河朔一水遙相望幸逢賢太守托君歸故鄉人生感  
意氣駑力竭勸勳會有南來鴈不辭報平康終當重握  
手珍重莫相忘

湘水感遇 二首

林之華 果存黃岡

我觀造化心春風未可恃昨夜衆山青灼灼開桃李頗  
賴梅皆枯此花稱崛起桃旣夭其英李亦繁其子鄰女  
好艷粧取花襯羅綺曳袖婦夫壻榮粦正在此豈知白  
日彫容顏易摧毀

湘靈不鼓瑟地久長蕓昔衡陽非異域鴻鴈胡不來荆  
王得靈藥乃上章華臺焉得浮雲蓋兩袖挾雷雨耳邊  
明月璫脫贈西王母太行作長屐難寫相思苦我思出  
八極何事依塵土

閨蒼倚重浚綠珠井

許楚 芳洲休寧

齊奴夸流俗往與權貴忤使才乏沉識豪侈薄錢鹵殊  
艷羅千房碌碌安足數何物梁家兒哀然金谷主珍愛  
奪凡姣婉變兼肺腑大難甘如飴碎首畢歌舞由來粉  
黛塲蘭骨化螢腐蒼梧雲正黃廿載苦豺虎奕奕閨使  
君風烈振前古攬轡縱幽芳貞魂耀荆莽荒甃發石香  
泉氣吐雲母嶺表徽異聞詞徒炫詩譜不遣使君賢情  
灰亦何補間氣歸紅顏荆高賤如土

黃山香泉

官純滋蘭九  
蕪水

民病帝不忘留此丹砂液大地悉渥丹澄澄一泓碧濯  
之蘭露香啜之沆瀣吸肅月冽寒泉獨爾奇温溢煙火  
且屏去何僅絕鮮粒安得化甘霖九州悉霑益瘡痍庶  
有瘳終古塵氛滌

山寮荅黃公

王衍治恂度  
廣濟

巖巖山谷邃悠悠澗溪長朝昏幸所集青松蔭草堂世  
態亦已易人事胡倉皇敢懷萬里心孤岷月滿牀莊士  
勗令德毋為岐路傷登高一以矚雲物正翱翔頽然發  
長嘯懷君感一方好音來天際周覽神飛揚鶚表坐中  
遠秋槐望裏黃祇恐數北軍難言收榆桑

愛憎

吳毓珍伯英  
遼陽

天道有晦明人心多愛憎晦明有常位愛憎無定因憎  
豈盡君子愛必由小人冶容易為悅甘言豈見真寶之  
似憐惜非此無寢興性情狎所近愛則逾等倫憎者偶  
一顧笑語同飛塵憑君一仰觀日月終升恒

詠史二首

翁世庸東山  
錢塘

吾愛越鴟夷桂棹歸五湖吾慕魯仲連高蹈薄驪珠子  
房洵遐舉躡迹赤松岫旣彰經緯節復遂義理圖身世  
兩不虧行藏達士模至今青史中三賢誰與徒二疏汾  
陽公聲色自歡娛晚節縱云保終與令哲殊  
長卿賦驚眾越禮每自放步兵醉埋照政廢詞是尚文

彩洵不羣經綸非所長悠悠慢世心宇宙恣俛仰詞賦  
動江關襟期亦倜儻與物無重輕龍鸞任空曠

感遇

魏廣齡 漢思景陵

秋至衆芳歇寒氣作之先冷風無餘善芙蓉敢爲妍幽  
艷誰獎藉矯然自嬋娟寂寂念衆芳相形生感傷托根  
在得所君子守其常

奇樹

陳邦禎 剛木儀真

南國有奇樹上拂干雲霄繁陰蓋四野鳩鵲巢其條樊  
堵一夕頽強鄰縱暴樵取枝先取根易爲風雨搖東條  
遭折縛西葉黯然悲艸木有寸心知是別離時前歡如  
石火此別無窮期勿爲咎斧斤良由運者施

過石屋

陸進 蓋思餘杭

入雲無數里清泉已聒耳忽見桃花開春色映溪水洞  
豁竹風涼山靜鳥聲起坐久憺忘歸煙鐘連十里

白鶴嶺

陸求可 密庵山陽

籃輿入深山道路多阻梗嵯峨聳蒼翠陡峙白鶴嶺黑  
雲走其腰青天壓其頂寒泉出峽喧老樹當巖靜天風  
常肅肅海水常冥冥仰視何寥曠俯瞰亦孤迥疑從天  
上來非復在人境

西岡

宋之繩 其武溧陽

種桐西岡上岡下交桑麻未得土膏力春氣相萌芽流  
水遶四隅清見水中沙晨來藉草坐日出日又斜何處



生異香風吹蠶豈花

渡漳河

張恂 穉恭涇陽

驅車破曉煙過眼驚殘壘  
逃離野渡寒古懷秋色裏  
不見銅雀臺但見漳河水

歲暮述懷 二首

歸莊 元恭崑山

鷹隼有健翮秋至凌雲霄  
斥鷃好卑棲控地亦逍遙  
何為兩不如徒然羽脩脩  
志豈在飲啄誠亦不自聊  
何當離藪澤曠然翔沓寥

良玉在山中如虹氣已爛  
寶劍埋獄底光亦入星漢  
文章豈不然千秋在柔翰  
古今宜博通經史須鈎貫  
黽勉進未能所懼非月旦  
相輕自古然薄俗何足歎

送李召林出宰信宜

邵吳遠 戒二仁和

朔風乘青雲飄然忽南翔  
偶離瑤臺側泱鬱棲重岡  
寧當如轉蓬翻飛戀故鄉  
送君涉關河徘徊岐路旁  
豈傷萬里別欲飲不盡觴  
憶昔我共君振羽俱飛揚  
高步歷金門褰裳陟玉堂  
君若雲中龍矯矯當朝陽  
顧我瞠後塵芸輝附清光  
願言託終始一舉麗穹蒼  
何事凌霄姿去我之炎方  
羅浮表南海蛟宮耀文章  
書軌方殷薦宸慮軫遐荒  
輟我侍從臣往哉冠循良  
主眷尤深重攬轡宜自強  
宣室召有時何嗟道路長  
顧我惜離羣執手情慨慷  
仰視南歸鴻緬懷寧暫忘

侍讌渾河觀漁應教

蔣鏞 玉淵武進

清言初集  
駕言發渾河游情散炎暉沙潤鑿蘋藻浴鳥涵光輝  
木蕩容與目動心意微顧茲樂相樂波激雲颺飛密網  
被廻湍人力紛相依宴衍飫旨酒烹擊鮮且肥飽德匪  
自今眷懷良獨希任公事千古莊惠理無違誰復解秋  
風幽思當言歸

由赤壁峰登初陽臺尋葛井而下

同呂錫馨

羲馭無停晷良辰洵天惜登頓入雲封俯眺適欣悅炊  
煙天際飛哇吟既區別巉巖斧鑿工含情眷明哲綠篠  
亞霜柯空水映澄徹摩迤躡素岑光景屢歇滅指點丘  
壑踪銷爍黃金埒仙衣何飄飄井汲自發發閣道凌山  
坳崖懸瞰百折與子披心胷天風御要禩

清詩初集卷之四

武進蔣 鑕玉淵

選 後學馬道耕重校

錢塘翁介眉武原

長樂林鼎復天友

錢塘毛先舒稚黃

吳江朱鶴齡長孺

武進黃 永艾菴 定

七言古

七夕篇

陳維崧

其年宜典

青樓歷落明秋前女兒瓜果心可憐銀河迢迢駕靈鵲  
綺牕耿耿依涼蟬此時萬戶新粧銜此夜千門露華炫  
月底羅裙悄悄來風前玉袖紛紛卷幾處斜安翡翠瓶  
誰家偷映芙蓉面都將密意禮瑤天盡取幽情託芳讌

幽情密意不勝愁聞道西風到御溝長信宮中初望幸  
昆明池畔最含羞三千棄妾悲團扇十二空庭掛玉鈎  
金殿閉時秋鴈迥玉階掃罷夜螢流更說侯家還戚里  
年年秋月傷羅綺屈戌明簾夜似霜歲荏角枕天如水  
空嫁朱門輕薄兒空爲綠髻嬋娟子抱得冰絃不忍彈  
學來金縷誰能理銅街南去是倡家北里東鄰最可誇  
謝門子弟多妖冶漢代長安有狹斜綠幘薰香身比燕  
紅衫挾瑟髻堆鴉自爲山下薜蘿草不是園中桃李花  
含情含怨交河客十年征戍音塵隔日斷龍堆怨藁砧  
手裁鴛綺量刀尺機邊空製寶滔書苑內不傳蘓武帛  
夜夜愁眠白玉牀朝朝泣望黃金陌別有紅顏更可傷

曾將玉鏡許王昌一雙並戲櫻桃樹兩小無嫌玳瑁梁  
潛教房老通私語不避監奴到後堂誓成蛺蝶狂何惜  
願作鴛鴦歎不妨竊玉人憔悴留髡路渺茫誰知蘓伯  
玉不敵汝南王針穿七孔悲陳后釵劈雙情寄李皇窈  
窈仙槎心自苦遙遙禁漏夜偏長君不見瓠瓜之精析  
木津一年一度一相親玉除宛轉看河鼓何限人間長  
別人

宋搨黃庭經

文杏齋五友之一

世人學書辨點押誰復臨摹追古法弩張劍拔請勿陳  
寧復家鷄與野鴨右軍絕蹟說黃庭聲價往往攀蘭亭  
黃土赤芝歸碧落珠襦玉匣殉昭陵後來石搨多佳本

買來或與真相混，勾剔誰傳宋榻精。光彩如新神不損，  
風流一代憶南唐。天子江東解斷腸，遨遊翰墨推徐相。  
游戲煙花說李王，延甘和墨澄心紙。殿上宮簾靜如水，  
揭得真人內景文。風柔日暖龍顏喜，月明花謝念家山。  
千年遺蹟落人間，前朝學士董文敏。銀蠶親題楮尾闌，  
吾家法寶誰第一。此本瓌奇真傑出，憶昔家君什襲藏。  
纏以蛟龍紅錦疋，倏忽孤兒哭杜鵑。須臾遺業慟青瑣，  
王家團扇誰收得。羊氏金環絕可憐，江陵文武情偏重。  
牙籤玉軸誰相共，萬事悲涼不自知。由來絕藝成何用，

不寐

申涵光

鳧盟  
永年

憶昔童年無繫累，日高偃臥常如醉。有時大撼高呼呼，  
不起暫起盤旋仍復睡。卽今方壯心無力，患難多憂苦  
病入夜深却抱百年慮。坐起無端聲唧唧，鄰樹葉乾多  
北風墻陰不斷鳴。秋虫強睡偏遭此，物聒况聞海鴈凌  
高空。嗚呼安得移樹捕虫擲，天外長弓盡射南飛鴻。永  
夜無聞穩睡足，此生不怨白日速。

春雪歌

北風昨夜吹林莽，雪片朝飛大如掌。南園老梅凍不開，  
饑鳥啄落青苔上。破屋寒多午未餐，擁衾對雪空長歎。  
去歲雨頻禾爛歛，冰消委巷生波瀾。吳楚并乾江底坼，  
北方翻作蛟龍宅。豪客椎牛晝殺人，彎弓笑入長安陌。  
長安畫閣壓瓊璣，獵罷高縣金僕姑。歌聲入夜華燈暖，

不信人間有餓夫

茉莉篇

曹溶 秋嶽秀木

吳王舊苑涼如水銀河照地忘眠美鶴過陰廊月漸低  
螢飛復館風微起佳人盡是傾城姿珊瑚鎖骨木玉肌  
單縠裁成舞袖窄輕蓮步出歌屏遲雀釵墜後夕粧急  
粉鏡臺平垂手立橫挑並翼光疑留密綰同心狀奚及  
收却秦珠籠步搖何藉琅玕壓翠翹倡條墮馬垂餘緝  
宮樣盤龍束短綃盤龍墮馬愁無計祇有鮮花動人意  
下堦自摘窈窕枝拂髻忽增靡曼色屈絲穿雪望玲瓏  
拔簪抽玉憐歆側共蒂連叢露不乾相偎只對艷姬看  
初苞細蕊玻瓈薄徐舒素萼水晶寒拭汗半沾桃簾冷  
辟塵斜插犀梳影枕畔移春蝶詎知帳中送鼻人還省  
此時含笑別有情此時橫陳百態生鴛鴦幔角羞無力  
烏鵲橋頭夢不成亦有秦淮諸女郎薰衣代燎侈莫當  
家家繡戶朝留葉人人膩髮夜如霜那惜金錢還競賽  
淡飾自緣名士愛乍可招搖日未西誰能爛熳開方戴  
來從五嶺沉煙霧正隔長江萬里路寸心常令閨閣歡  
一生總為芬芳悞恨儂少小作妖嬈不耐移根去國遙  
天寒歲暮空迴想金屋終難貯阿嬌

東園看花歌

紀映鍾 槩子江寧

春風未踏東園路東園春色來無數問爾岸草何時生  
出門綠徧前溪渡欲晴不晴飛雨絲欲鳴不鳴幽鳥疑

遙看一片火齊樹  
宕漾千頃琅玕坡  
白雲不動花灼灼  
晚煙勃起態綽約  
花邊高閣寂無聲  
碧偃疎牕藏並萼  
驚叟龍鍾偶過橋  
買醉無錢行帶索  
安得一龕倚花住  
朝見花暄暮花霧  
金尊明月莫教聞  
玉女驕驄屢迴顧  
燭龍銜燭無停時  
誰把黃金顏色鑄  
噫嘻杜老難逢斛  
律斯東坡不見林  
家嫗歸路沿城白  
日暮枕上遙遙憶  
孤樹

貧賤行送客

君不見李廣自斬霸陵尉  
范睢馬食須大夫人  
生貧賤豈終極  
一朝得勢風雲趨  
小兒項領終何如  
春瓜秋艾同消徂  
高松峩峩被廣衢  
嚴冬霜雪顏色殊  
送子過河

復過都黃頭矮驢跨短襦  
他日長吏負弩為前驅

題胡菊潭先生馮青方畫竹冊

王崇簡

敬哉宛平

青方老人解畫竹  
結束尋丈歸尺幅  
生枝放葉絕經營  
一洗纖妍存幽樸  
吾師雅重古澹姿  
高懷日與相往復  
几上每訝寒颶起  
螭驚虬走氣肅穆  
踈簾青篔不知暑  
陰森若對瀟湘谷  
有時拂拭欲生煙  
涼雨踈雲疑滿屋  
冬宵燈盡雪霏霏  
展翫猶聞多馥郁  
自應寶之等球璜  
留取清光常在目

永和宮詞

吳偉業

梅村太倉

揚州明月杜陵花  
夾道香塵迎麗華  
舊宅江都飛燕井  
新侯關內武安家  
雅步纖腰初召入  
釧合金釵定情夕

豐容盛鬋固無雙蹴踘彈碁復第一上林花鳥寫生綃  
禁本鍾王點素毫楊柳風微春試馬梧桐露冷暮吹簫  
君王宵旰無歡思宮門夜半傳封事玉几金牀少宴眠  
陳娥衛艷誰頻侍貴妃明慧獨承恩宜笑宜愁慰至尊  
本朝家法修恭儉房帷久絕珍奇獻舊時惟進陽羨茶  
內人數減昭陽膳維揚服製擅江南小閣薰爐沉水煙  
私買瓊花新樣錦自修水遞進黃柑中宮謂得君王旨  
温成不妬肩隨齒早日艱難護大家比來歡笑同良姊  
奉使龍樓賈佩蘭往還偶失兩宮權雖云樊嫔能辭令  
欲得昭儀喜怒難綠綈小字書方寸瓊函自署充華進  
請罪長教聖主憐含詞欲得君王愠君王內顧惜傾城

故劍還存敵體恩手詔玉人蒙詰問自來堦下拭啼痕  
外家官拜金吾尉平生遊俠多輕利縛客因催博進錢  
當筵便殺彈箏妓班姬才調左姬賢霍氏嬌奢竇氏專  
涕泣惟聞椒殿詔笑談豪奪灞陵田有司奏削將軍俸  
貴人冷落宮車夢永巷傳聞去翫花景和門裏誰陪從  
天顏不澤侍人愁后促黃門召共游初勸官家佯不應  
玉車早到殿西頭兩王最小牽衣戲長者讀書少者弟  
聞道羣臣譽定陶獨將多病憐如意豈有神君語帳中  
漫云王母降離宮巫陽莫救蒼舒恨帝子雕殘玉筍紅  
從此君王慘不樂叢臺置酒風蕭索已報河南失數州  
况經少子傷零落貴妃瘦損坐匡牀慵髻啼看掩洞房

荳蔻湯溫水簟冷荔支漿熱玉魚涼病不禁秋淚沾臆  
裴回自絕君王膝苔沒長門有夢歸花飛寒食應相憶  
玉匣珠襦啟便房薤歌無異葬同昌君王欲製哀蟬賦  
誅筆詞臣有謝莊頭白宮娥暗頻蹙庸知朝露非為福  
宮草明年戰血腥當時莫向西陵哭窮泉相見痛倉皇  
還向官家問永王幸免玉環逢喪亂不須銅雀怨興亾  
自古豪華如轉轂武安若在憂家族愛子雖添北渚愁  
外家已葬驪山足夜雨椒房陰火青杜鵑啼血濯龍門  
漢家伏后知同恨止少當年董貴人碧殿淒涼新木拱  
行人尚識昭儀塚麥飯冬青問茂陵斜陽蔓草埋殘隴  
昭丘松檟北風哀南內春深擁夜來莫奏霓裳天寶曲

景陽宮井落秋槐

秋懷引

沈

謙

去矜  
錢塘

沉香樓子青霞府芙蓉波響金魚舞美人小語教鸚鵡  
手伏雕闌聲未吐翠羽明珠釵一股纖羅秋蓋黃金縷  
鬢髻寶髻羞眉嫵蘭思脉脉煙如雨低頭惆悵心無主  
淚滴紅苔階下土

採桑詞

杜立德

純一  
寶坻

攀枝過長堤柔柔春草萋一歲不織苦無衣流黃明月  
照牕西輕篋細杼風淒淒遲回不遽去徒自戀金閨經  
年課賦賴新絲雨風難得稽

田家荒

方以智

密之  
桐城



田稼荒農夫亾老幼走者歿道旁走入他鄉亦餓歿朝  
廷加派猶不止壯者晝伏夜行歸歸看鷄犬人家非賊  
去尚餘一茅屋官軍又來燒不足

燒香曲

李 雯 舒章  
華亭

金閨秋淨天如水桂花坐落涼風裏東墻雲葉吐明蟾  
繡戶鸞屏臨夜起翡翠鉸高金博山隔牕雲母香盤盤  
細劈犀紋憐素手斜分麝月弄青煙憑將桂火沉沉力  
吹散行雲裊空碧各存密意對秋風共展芳襟禮瑤席  
江南畫閣復重重欲捲珠簾怨不逢莫愁堂上無消息  
幾度香消明月中

以葫蘆命長孫女編絲繫拄杖上

方拱乾 坦庵  
桐城

孫嬌女更嬌歡祖時挽鬢此來端啼笑問事疑愚癡可  
憐兒女長成人催我衰私心試鍼指葫蘆編紅絲繫之  
拄杖頭不正復不欹持來月影撐孤樹爪指慊慊工織  
素長安車馬十丈塵蕭蕭欲踏誰家路白頭妻兄任街  
東午夜敲門明月中渠家有女更嬌小問我何方賣藥  
翁

席上看弄丸歌

董以寧 文友  
武進

臨淄卽墨天下聞鬪鷄走狗紛如雲我來作客多交遊  
唇舌不減樓君卿銀花之脯八帶魚主人邀我飲半醺  
當筵少年擊鼉鼓更一少年袒臂舞足下紅錦靴腰間  
五色組手持一丸摩雲端一丸未落復一丸雙丸將落

承以頂須臾重入雲中看更出七丸在肘後兩手承蜩  
左復右旁有少年拍手嗤大言此技安足奇摩頂至地  
身倒懸以足弄瓦目不施七丸上下聲相擊一聲一依  
鼓為節是時我醉不欲眠紛紛羅袖屏前列

題趙承旨擊鞠圖

程可則 石臚南海

至元一幅鶯溪絹四尺不滿三尺餘翰林承旨頗好事  
繪取擊鞠為斯圖不知王者是何代紫稜白面蒼虬鬚  
手提青絲綠玉策據鞍顧盼神睞于左右布列數猛士  
啣竿挾杖紛騎驢一毬委地不得掇四面擊者羣爭趨  
驢蹄驕蹴聲欲動蹠蹠騰還精神殊我聞軒轅習武士  
沙蟲猿鶴皆前驅一擊能令力牧怒蚩尤涿鹿功煌如  
吁嗟王孫際龍戰繪此切迺合欬歔方今海宇盡混一  
虎皮蓋藏金僕姑雲門既奏泰階平縱有節鞠非兵符  
此圖不用示天下只合簡冊供清娛啣竿挾杖胡為乎

鳴筆詞

李 蔚 坦園高陽

縠帳涼生屏華燭蘭軒半啟人新浴手停團扇搯冰綃  
調箏聊按歸風曲繁絃本自號秦聲况逢趙女顏如玉  
皓腕頻低雁柱移金鈿纔卸蛾眉綠大絃沉沉小絃起  
初為黃鐘後清徵百種幽情十四絃殷勤排當憑纖指  
春葱脆映玻璃甲攏撚撈挑皆有法曼聲睨睨鶯囀花  
急響飄騰泉出峽俄翻苦調變陽和颯然霜霰來庭柯  
驚鳥膈膊羽相亂高天爛爛垂星河將迴復引怨思多

悲生樂極翻滂沱  
箏乎信工情則那  
曲終掩映四壁靜  
竹梢忽墮流螢影

定情篇

宮偉鏐 組弦 泰州

春風紅染小桃枝  
繡帶鴛鴦不自持  
閒堦墜露香環濕  
裊裊游絲著樹迷  
錦裙金縷濃結束  
飛入君家落寒玉  
碧簫吹引不成聲  
洞房夜鎖關山曲

要離墓

宋徵輿 直方 華亭

我來闔廬城踏盡  
吳閶路手攜輕薄兒  
長揖要離墓要離  
墓草野火燒一杯  
黃土孤堞高前臨  
青山後對水白雲  
來往風蕭蕭

春燕行

東風吹滿桃花水  
水上飛飛雙燕子  
乍掠城南芳草中  
還窺城北朱門裏  
城南城北綠垂楊  
夾道青陰白日長  
家家自捲流蘓帳  
處處能開碧玉牕  
美人桃李色錦衾  
臥起花飛急已怨  
秋鴻不寄書還愁  
春燕無消息可憐  
春燕影徘徊欲飛  
不飛去復來新第  
簾櫳滿羅綺舊家  
門戶長蒿萊蒿萊  
叅天欲成樹妨我  
銜泥舊時路黃昏  
明月照空梁欲上  
危巢復騰翥

雪中醉臥放歌

韓 畱 石耕 北平

主人興高破朝至  
大呼連聲撫左壁  
韓生何事貪睡眠  
須起簷前看新雪  
側眼隙間飄素光  
幽意與之同飛揚  
痴童縮肩抱鑪入  
雪隨門開撲我牀  
火煖忽聞鑪氣香

清言不集  
中有美酒送我嘗披衣畏寒擁衾坐把壺與酒相斟酌  
再傾已覺意灑然委曲脫衣仍就臥臥既醉兮樂且歌  
高枕不起如余何

古意

馮溥易齋益都

夜來寵魏宮迺稱鍼入神火珠龍鸞簪不得非雲非雨  
絕輕塵居前玉聲輕居後金色艷辟寒未易得可以重  
君念讒口銷骨不可當君前咫尺是羊腸芳華能有幾  
時好落葉哀蟬紈扇早君不見翔風十五光動人三十  
已退爲房老

蠶豆行

李楷河濱朝邑

王瓜杏子秦蠶候東西離離登蠶豆客言三吳重蠶桑  
屋小蠶功不易就細剉沃葉次第施相厥眠起與老幼  
惟有此豆充爲餐青餅紅棗供曉晝局戶謝生人如舉  
嬰兒拒鄰右彌月治纈盆如薦新麥及朋舊豈但養蠶  
家辛苦竟如斯每值養蠶時官長亦念之租吏不上門  
爲之罷訟詞一歲女紅千箱錦請君三復蠶豆詩

嚶嚶吟

郝浴雪海定州

天平恢恢大若彼浴也嚶嚶狂如此十年鑽仰無消息  
一旦心開上帝喜虛堂無事敞空秋墮盡聰明放天理  
誰氏策名誇起家通身憔悴賜金紫尚愁遲暮落青雲  
僕僕紅塵夜氣歿君不見坐抱郭門坦如箕三黜終以  
道爲師又不見善刀屠肆髣如霜願在蒼生老何妨高

清言不集  
空橫出雙南指灑脫其中應久矣從今願與真名士百  
代執鞭爲弟子一任人羣悔吝生舒心自有經綸起覺  
來試問事如何悔煞韶年去似梭

漁家女兒行

張綱孫祖聖錢塘

漁家女兒年十五日坐船頭補網罟裙短不惜露雙脚  
自起撐篙復搖櫓垂楊曲岸有人家老翁喚女賣魚蝦  
手提竹籃過橋去籬邊且摘野棠花

大觀太清樓二王法帖歌

爲山陰張爾雅作

錢謙益牧齋常熟

神霄天子恢皇綱重鑄閣帖煥寶章干戈久忘熙陵勩  
圖書欲壓淳化藏侍書著摩換鉤搨太師京識新褫裝  
太清危樓切霄漢乙夜御覽迴虹光大觀承平過星紀

宣和板蕩垂靖康聲名文物掃松漠翰林子墨炎崑岡  
駝載唐碑失定武瓊裘周鼓殘岐陽冊府秘閣俱已矣  
長沙戲魚徒相忘新絳燥筆改東庫亮字損本來榷場  
二府拜賜傳掌故三館審定看堵墻良常新銘不在世  
羽陵舊蠹餘幾行君從何處購此本右軍墨蹟兼小王  
續帖真成廿卷羨萬籤何似二本良墨華晶光出匱紙  
筆陣折抹生鋒芒晴牕臨摹挾飛動斐几展玩鋪雲肪  
裂紋本直非剝損穰痕銀錠誰低昂從今鑿定歸米薛  
不收慰問嗤梁唐但看鸞翔與鳳翥焉用冷金并硬黃  
嗚呼此卷不易得摩挲使我神慘傷自從京闕暗戎馬  
又使館閣淪滄桑人間西清燔禁苑天上東璧埋文昌

橐駝交跡踐竹素牛馬漬汗污縹緗甲衣狼籍剔鈿錦  
礮車迸裂窮琳瑯游家蘭亭填爨下褚摹袂帖擲道旁  
魯公孝經麻姑字兒童插標叫市坊卷軸遲惜三千富  
款書寧數丈二長白麻何處博青縹碧牋翻喜歸黃腸  
奇哉一本獨完好豈無六丁下取將展卷俄驚標識改  
開奩先嗅古墨香印縫無煩辨分剪破體仍與論偏傍  
何年瓦官閣鴟吻有客山陰搜屋梁玉躐金題重闕惜  
褚妍歐怪空輝煌已堪唐陵比玉匣重許漢室開珠囊  
傷心西典失至寶漫眼東觀欲發狂吾家圓印銘忠孝  
長依書史緘篋箱作歌無才繼石鼓閣筆再拜朝墨皇

淮南結客行

宗觀鶴問江都

淮南二月楊花飛少年結束試戎衣平明馳逐城東陌  
城東貴里三韓客貂裘不重白馬肥鼯鼠紅盤錦袖窄  
遊俠相逢意氣豪十千沽酒托平交朱軒翠蓋梅花閣  
挾彈呼鷹廿四橋橋頭閣下休相失百萬呼盧輕一擲  
妖童艷妓奪人奇今日追歡復明日男兒依人須要津  
朱門勢赫侏儒貧君不見淮南交道賤今日難同昨日  
面一朝失勢不相知故人即為新人變念此停杯感激  
多少年結客近如何

剝榆歌

魏象樞環溪蔚州

黃沙日暮溪村路煙火盡絕泥塞戶路傍老翁攜稚兒  
手持短鐵剝榆樹我問剝榆何所為老翁倚馬哽咽悲

去歲灰蝗前灰寇數十村落無子遺蒼蒼不恤儂衰老  
獨留餘生伴荒草三日兩日乏再饘不剝榆皮焉能飽  
榆皮療我饑那管榆無衣我腹縱不果寧教我兒肥嗟  
乎此榆贍我父若子日食其皮皮有幾今朝有榆且剝  
榆榆盡同來樹下灰我爲老翁頌丹綸免貢蠲租十道  
使而况天子軫遐邊九關胡云隔萬里願告今日鄭監  
門長歌繪作流民紙

送春詞

翁聲業

錢呂宗

去時湖女纔十三自信東風荳蔻含愁問別後何年嫁  
却似春後來薰夏年來年去杯前過三月還如二月破  
猶防別酒滯春行三更偷下鷄未鳴匆匆曉起花情變  
掃地落紅三百片短蝶低飛撲墻來大索十日春不見  
應憐匹馬腸斷處西樓酒醒渭城樹盡日移柳贈人行  
不折一枝送春去人間別離莫銷魂留得雙淚待青春  
風流好喚病司馬典酒壚頭草長門還道天上舊詞賦  
思量無計留春在黃梅熟後雨如絲打落蓮泥燕又乳  
乳燕鳴鸚紛自媚說與舊人渾不記就中俠骨覓誰是  
宛轉啼鴉爲春灰至今相傳啼成血寄語夏雲太咄咄  
辛苦摧春春竟還與歡亦只別經年

新燕篇

林古度

那子  
福清

新燕至語呢喃連翩辭海上迢遞到江南去秋相別年  
應兩今歲重逢月又三三月晴光啼百鳥爭羣逐隊齊

飛繞若似雙棲畫棟春誰知並蹙珠簾曉珠簾翠幕屢  
疑猜畫棟雕梁認幾回寂寞舊巢仍自覓殷勤遠道爲  
誰來來尋故壘添辛苦多少新人更舊主數數身輕楊  
柳風低低翅濕梨花雨花邊柳外舞差池掠水銜泥無  
暇時忽向歌臺拂絃管乍臨粧閣礙游絲一朝復一日  
朝出暮還入繫縷事猶存司分期已失王謝豪華久已  
非至今古巷問烏衣莫教侶失情空斷待得雛成秋共  
歸

檳榔行

虞黃昊

景銘  
錢塘

劉侯功成大置酒滿堂賓客前爲壽酒酣金柈耀燭黃  
檳榔璀璨盈一斗笑殺區區江嗣兒俛仰無顏衆看醜  
檳榔之生南海濱剖之光彩如華茵味甘驅瘴殊不惡  
櫻胡梨棗宜共珍劉侯苦饑應見吐此曹苦飽應入唇  
我聞陳平困席門張王年少甘賤貧鳳凰伶俦鴟梟飽  
黃犢有角櫻麒麟羣雄落鳧識者少可憐不及尋常人  
劉侯起舞氣益豪布囊猶在功名高此日姓氏勒鐘鼎  
當年饑餓如鴻毛人生盛衰難自料呂公張負誠難遭  
噫吁噉劉侯劉侯氣如虎至今寂寞一杯土哀歌艷舞  
不復聞檳榔金柈何須數人生得意須盡歡念我賤時  
淚如雨

雷霆引

宋

琬荔裳  
萊陽

飛廉趨共工怒火作鞭金爲斧靈夔之皮以蒙鼓白虎



爲御兮弗肯下擊其儔伍嘖嘖野人言前邨斃黃牯東  
家老木半已枯摧之戕之一何武封狼蝮蛇滿郊邑張  
吻殺人方跋扈雷兮雷兮亾其柩胡爲貫爾若無覩西  
山落日濛汜邊須臾返照聲寂然我欲因之問其故無  
柰巫咸久上天

市驢行

回伯寺前黃紙下黔首不得畜匹馬輸官者後臯無赦  
驟駟驪駟棄中野走馬糞田史有書房星天駟光模糊  
柴車犍犍鸞噦噦負輓者誰大宛駒五陵富兒顧廝養  
蹇驢價出龍媒上青絲作鞭金絡頭驕嘶奮鬣行長楸  
乞兒行

錢澄

飲光  
桐城

乞食兒勿求飽如今惟有乞兒好富人  
有糧貧有丁羨爾不聞追呼聲鄉里小兒難到縣羨爾不見縣官面官  
家賦稅多如麻汝徒只稅籃中蛇君不見富家翁朝防  
吏人夜防賊通宵有眼合不得籃中蛇去值幾錢草堆  
一夜齁齁眠

作客行

趙進美

韞退  
益都

男兒生當天下多事時讀書擊劍將何之醉卽高歌醒  
當別離擲觴上馬無一辭朔風吹衣落日寒美人莫唱  
行路難千里常有好顏色書生何能不作客

河上老翁行

吳懋謙

六益  
華亭

河上老翁雙髻禿慷慨狂歌倚茅屋仰頭祇爲社稷憂

清言初集  
低頭更爲蒼生哭向余爲言屏跡好山中春風開懷抱  
靈禽朱卉白日長矢志惟應致身早只今浮雲幾變更  
鯨鯢夾鬪黃河傾余亦落魄行寡偶蕭然白石久逃名  
晚粟布被亦不醜何用風塵競奔走蕩舟落日倒壺觴  
爲翁一醉蘭陵酒

龍隱寺讀磨崖元祐黨人碑

彭而述

禹峯鄧州

桂林城外灘江東巖崗陰森藏古寺青壁蜿蜒走雲霞  
魚蟲剝落前朝字萬木蕭疎一氣中英魂高叫老蛟宮  
手掃蒼苔認邊傍雙眼模糊失光芒石顴澁繡復積鐵  
懸鉞垂露半磨滅薜荔綠沉元祐人雷雨陰垂皇宋碣  
司馬君實來洛中看山伊水相率從最後忽出黃豫章

細尋誰遺米襄陽勁節高風不可見金縉社稷玄黃戰  
蔡家父子何披猖三百九人開生面當時石上彼何人  
朝堂不懼丞相嗔至今嶺表蒼梧地想見諸臣瘴癘身  
或竄或逐威福歇富貴繁華如掘閱力能禁錮及終身  
豈知史冊光日月汴水東流艮嶽圯花石君臣今已矣  
舉目不見宋乾坤諸君姓氏空山裏

召公水陂

戴明說

巖竿滄州

從來吏議之公在道路南陽召公爲作歌何暮祇今距  
漢千百年此時猶拜公之墓公理溝瀆如理家秧針銀  
浪飛鷗鷺憶昔成廟剪桐圭鯨波盡爲公家注貂璫錦  
綬爭持籌羽林畚鍤驅都護聞頭堰長吼如雷一呼千

人走如驚上流一畝畝數鍾小民終歲奔租賦帝子一  
去長堰殘蛟龍怒圯阡陌穿白河不走白沙起蒼莽拆  
軋成乾田南陽之人非不知水陂之利利十千人稀餉  
匱筋力懸經營安得大官錢

郊獵篇

梁清標 蒼巖  
真定

朔風獵獵吹原野小隊射獵東城下健兒身手捷如飛  
少年錦裘紫騮馬沙黃月白霜草枯仰視鴻雁浮雲徂  
笑彎角弓擬霹靂溪邊驚起雙飛鳥合圍馳逐二十里  
遙見空天皂雕起狐狸絕跡林鳥稀纍纍一騎黃塵裏  
太行積雪如瑤宮斷橋冰裂響流水翻身欲入邯鄲城  
舉鞭笑指新豐市市中有酒瀉葡萄相逢皆稱邯鄲豪

解鞍覓石敲新火入肆開鮮試寶刀丈夫不能佩斗印  
且須落拓飲醇醪醉歸連轡炬明滅夜看星辰太白高

昭陽顧生畫便面棧道圖歌

王士禛 阮亭  
新城

顧生畫學李思訓尤工棧道兼騾綱丹青金碧妙銖黍  
近形遠勢窮毫芒褒斜山色一千里子規啼處煙蒼蒼  
女郎祠邊人跡絕但見哀猿連臂叫嘯青崖傍江水如  
油下南鄭閣道似髮通陳倉紅氍毹背笠覆首人物結  
束疑唐裝車馬班班入雲際如蟻緣垤相扶將秦川渭  
水望不到蠶叢直上天茫茫仰家扇子冰雪色一莖斑  
竹磨瀟湘如何方寸懷袖裏宛然置我蜀道青天長揚  
一益二古天險譙周鬻國謀非臧阿瞞四紀作天子青

騾西幸何倉皇三十年來蜀道塞况從古史論興亾因  
君妙蹟發遙慨如聽鈴聲替戾岡

離家作

程封石門  
江夏

三十頭顛見白髮三年家居不兩月明朝又道出門去  
遶樽拔劍西風發楚江釣魚三十年年年空上楚江船  
老婦向前低口說再釣無魚歸種田

毘陵天寧寺銀杏歌

蔣賓坊侯齋  
武進

好奇常買登山屐奇山奇樹愛成癖二十年前走括蒼  
道逢延真觀前松化石漫携兩石陟山岡僕夫背笑何  
顛狂歸謁遠公坐蓮閣殿邊三樹摩穹蒼樹名銀杏青  
霄上腰圍數十開屏障天濤夜吼泣蛟龍疾雷晝擊風  
煙抗十日焚燒一樹紅樹皮鍛鍊如焦桐中涵太虛似  
空谷削成洞壑全天工旁枝直上森如戟車蓋菁葱一  
天碧坐嘯其間稱大奇松化一拳且拋擲

姑山草堂歌二首

龔鼎孳芝麓  
合肥

上書不踏金華省蒼頭瘦馬衝沙冷拔劍不割金門肉  
老寺殘僧鐺折足姑山草堂天下重松菊東籬閱晉宋  
田宅全因賓客荒才名肯逐風塵用嶽寄歷落誰能嗤  
煙波五湖足釣絲秦淮垂柳楚州雪病夫吟眺恨相期  
重逢酒樓下色定還驚疑浩蕩江海人何意來京師門  
巷踈花掩深酌高城鼓角寒星落總教世事屬青雲但  
愛吾徒有丹壑拂袖長辭騾騎府脫粟安用公孫閣盧

龍葉墮邊霜來江南林澗還秋苔短裘日暮何為哉  
杖無氛埃留君不住羨君去蕭蕭易水揮殘杯  
君去病夫那可任紫陌蒼蒼卷飛霧舊侶風凋杜曲花  
輕帆月照天門樹霜積征鴻目漸斷短檐羅雀歲將暮  
東吳絲竹南屏霞歷歷游人夢中路朱扉伏謁與已嬾  
白首狂奴態如故根柯崖谷本歆危詎是天家踈雨露  
北山薇蕨風波餘雲蘿一室堪掃除別後故人好顏色  
西上鯉魚多素書憑君更理耦耕釣稷契大名安敢如

鬪促織歌

李天馥

容齋永城

長安遊俠騎奢習在昔鬪鷄今促織荒垣廢麗恣廣搜  
致之曾不遺餘力其產尤推永定繁秋晚人家滿野園

種類不乏佳者少惟有紅沙邁等倫捕得養身兼養性  
辨形辨色知柔勁飼之日久健且馴驅騰引却皆惟命  
愛重如蓄敢歿士矜鳴突躍移人意堅甲剛鬚何趨趨  
似恨長材不得試一朝持出市兒喧短彼長此胡紛紛  
好事少年輕一擲比材較力開雕盆雕盆對出怒相向  
蹲踞驕為搏噬狀始則旗鼓似相當繼乃強弱分得喪  
接戰方酣四座歡須臾機決倉卒間披靡一合飛鈴伏  
帶傷兩翅梅花殘委頓糾纏猶不捨主人見之汗盈把  
自從角戲無此敗今朝反出阿奴下傾囊償值猶不足  
在時慷慨今踟蹰半載經營衣食資一旦喪之蠕然物  
勝者意滿觀者誇相稱相詡不歸家便欲擅場絡緯會

重資屢試何驕奢誰知前優今忽劣被創可惜金絲額  
垂頭喪氣獨吞聲勝負相循同一轍

福源寺羅漢松

歸莊元恭崑山

福源建自梁大同創寺之年植此松歷千餘載寺再廢  
此樹不改青葱龍大二十圍高難度攬拏天際如虬龍  
石根鐵幹苔斑駁狂風搖動聲錚鏦夜然長明燈晨撞  
萬石鐘聲光震耀生靈怪柯葉常有白雲封水車之役  
大木盡斧斤欲加鬼不容天王栢上方松昔年來遊有  
題詠何況此樹六朝之遺蹤松之名者今有報國古岱  
宗彼以神京名嶽顯此獨晦匿于震澤之濱縹緲峯大  
材僻處自矜貴賞翫不辱于凡庸天挺植物有如此人

生何必皆遭逢嗟哉人生何必皆遭逢

青山行懷古

吳綺蘭次江都

霜花入江江樹紅半江落日搖悲風此時客向青山路  
遙見松楸窺狐兔推篷指問黃頭郎云是將軍神道處  
將軍束髮事邊疆浴血榆關四十霜射雕并挽雙飛鞬  
回馬常持半段鎗曾經搏戰烏桓賊手戮長鯨襄水赤  
上相頻分臥內符諸侯競屈轅門膝手縛渠魁未報恩  
漁陽鼓入延秋門西京已下仙人淚南國還招帝子魂  
馬渡瑯琊從此化將軍定策同王謝豈知艷曲號無愁  
亞子空呼李天下天下龍髯痛未消臨春明月響瓊簫  
中涓厮養橫宮錦丞相家兒插坐貂就中更有陳留子

宮門夜半傳黃紙盡逐元豐舊黨人半閉堂裏煙塵起  
傳檄言誅刁與劉武昌楊柳作邊愁巖疆已付中行說  
壯節空思祖豫州將軍義憤填懷抱洗日虞淵何足道  
一朝失計在移軍清風小用臨江嘯倚劍空持南壁天  
北來烽火照甘泉橫江零落千尋索下殿倉皇七寶鞭  
此時將軍鎮姑熟宮中夜到驅黃犢紫髯怒吼陣雲昏  
虞姬夜泣蛾眉綠平明戰鼓動江鴉裹創猶呼御賜騶  
鳴弦豈意來鷄尾拔刃空聞叱虎牙可憐魄染胭脂血  
蒲首歸來事難說幾年墓木拱白楊夜夜猶然叫鷓鴣  
我聞此語心傷悲爲指江涘之高壘當年廟算列四鎮  
此地實爲君封陲癡兒不了公家事模糊顛倒山河字  
罵賊不及雷海青弄兵竊效田承嗣將軍抗表建牙旌  
討逆應先李茂貞一喝逆流萬人歿摧枯拉朽無堅營  
樓煩出射弓矢墮錦裘繡帽如雷火紫電橫飛靈寶刀  
紅水膩結連環鎖至今白骨滿蒼山折戟猶存戰血斑  
豎子無成悲廣武詞人多恨哭江南吁嗟將軍復何有  
從來運數多陽九留守魂遊宋氏河監軍淚滴唐家酒  
吾徒意氣豈能灰當時所用違其才夕陽下山黃葉雨  
江風颯颯魂歸來

琵琶亭下作

邢

昉

孟貞高淳

北風拍浪吹帆破百尺檣高浪中簸千里已到九江城  
日落琵琶亭下過琵琶亭空水遶天嶙峋四角含秋煙

當時風景復何有楓葉蘆花猶宛然此地連年兵革苦  
前月殺人如刈楚岍上無人鬼哭多江邊白骨堆成土  
我來湓浦更逢秋祗聽江聲咽復流孤城未有三家店  
估客曾無一葉舟艤舟夜宿潯陽郭東船西船非估舶  
安有商婦撥琵琶能使天涯歎流落亭子蕭條亦可憐  
琵琶聲絕戍鼙連誰知此夕江州淚非復傷心爲四絃

白鸚鵡歌

蔣陳錫文係常熟

出自西域遙遙之隴坻來處上林密密之樊籠翠衿紅  
嘴非伴侶鶴鶴白鳥輪光容一語一言能默記聰明學  
得魚龍戲舞如縞帶亂翻風停似雪花輕委地別人相  
對但閒閒天子當前語間關多少公卿羞見汝帝前不

語人前語

過永康尋松化石

張文光譙明祥符

永康縣前水東注古來往往神仙駐老樹扶疎共幾株  
高榦蟠空起煙霧中有一株老龍鱗飽餐霜露干青旻  
低頭匠石不敢顧千年拱護如有神道人經過重歎息  
一夜風雷聲辟易夜半驚看忽飛去石笋摩天幾千尺  
經今化後又千年斧斤旦旦相周旋霜皮雨甲宛可識  
枯根據地老且堅亦有好事勤斧鑿深入幽冥轉荒漠  
搜奇枉自卽重洲泉路茫茫空錯愕君今何事恣幽尋  
赤松黃石同貞心一化爲石永不變劫灰山積誰能侵  
祇恐風景須臾改倒石鞭心向江海不聞秦皇南幸時



山靈上訴愁真宰幸哉爾石不可驅精靈搏射造化俱  
泰山之東梁父北何事僂僕五大夫

綵絲歌

陳宗之玉立  
蘇州

清池鳩語槐陰午墻角石榴紅焰吐鄰家破曉餉蒲芽  
知是薰風日當五紛紛兒女競擊絲錦勝虬釵絨作組  
犁鋤未出麥秋涼官家捕蝗兼捕虎朱牌火亟追風逋  
租吏打門鴟叫雨斗酒真珠泣小槽鮭如龍鮓蔬如蒟  
玉波龍舸閃朱旗闔壕繡箔停輕艫但識輕衫花滿街  
都忘懸磬塵生釜富兒肉奢貧兒效畫蠟擢瑜對分賭  
閨中少婦典堪頻陌上遊兒歌且舞吁嗟風俗何時古  
錦袍白馬渡江來肯信窮閭剗肉苦

青兒絃索行

黃永艾庵  
武進

董郎邀醉重陽酒蕭械空齋季心友酒後驚聞弄絃索  
梧葉西風動簾幕初彈緩調已帶人再彈歷亂疑有神  
借問何人彈此曲半老青兒髻邊綠青兒得名三十年  
楊家閨閣藏神仙日費黃金教歌舞坐客歎惜騷人憐  
宴眠遲起自言苦主人侍立看眉嫵一時明鏡入朝霞  
依稀洛浦珠同吐誰知宋禕成房老金谷名園半枯草  
舞裙歌扇疊空箱重撥鴟絃增懊惱潯陽江上幾番秋  
蘆白楓黃處處愁紅葉多情何處去無心銅瓦爲誰留  
青衫濕盡胭脂亂變聲應作琵琶怨董郎默坐客不言  
唼噓征鴻過庭院

銅釵歌

貧家女兒銅作釵十五嫁郎嬌滿懷郎年三十有官職  
不厭郎貧侍郎側郎年四十早罷官兒女成行森繞膝  
隨郎南北歷風塵作吏歸如舊日貧妾身已共郎年長  
頭上銅釵色似銀

古關歌

張 恂 恂 恂 恂

漢武防邊廣築城遠臨滄海掣修鯨魚眼射波風燈亂  
丹霞雉堞縱復橫岩巖山勢壯西北東南來與海輪平  
設險此中通一線金銀為櫓玉為扇紫塞黃雲歸節制  
神州奧區倚藩屏函谷九泥不足侈成皋天塹空高名  
制勝全控百二甲壯猷方屯十萬兵摩肩擊鼓重行行

感築城頭吹月明一吹茅店荒鷄鳴再吹杜鵑啼無聲  
三吹行人白髮生

合江亭

宋四大書院  
石鼓其一

蔣永修

慎齋  
宜興

捷伐功高罷桴鼓皇路澄清肅貔虎洞庭波靜鯨影消  
衡嶽懷柔靈光吐瘴煙蠻霧迥澄霽石竇花巖沁香乳  
旋看鐵甲洗昆池桓賚升歌將偃武我來下澤播笙簧  
廸爾南方化干羽名賢舊蹟都沈湮高山景行復何所  
石鼓大名推講院鹿洞鷺湖並樽俎豐碑剝落臥城狐  
函席傾欹竄壁鼠怒濤齧鋸撼巖風藤蘿蒼蒼上棟宇  
唐宋先儒半在茲忍教吾道理埋泥土翦茅薙棘力經營  
層臺曲榭奠江滸蒸湘襟帶滌几筵蒹蘭郁馥飄牕戶

淵源金簡見羲黃絃歌文學開鄒魯竹箭南金不盡輸  
楷模後起誇三楚更與一杯酌江神山頭千歲除風雨

張華故宅

陳祚明亂備  
仁和

落日俯秋原徘徊弔疇昔衰柳映盧溝云是張華宅一  
自龍歸黯暮星空留狐語驕行客盧溝橋下水粼粼蘆  
溝橋上生黃塵士衡入洛誰相識不見當年博物人

聽周元亮侍郎搥鼓歌

何采損齋  
桐城

昔聞彌生善搥鼓睥睨縱橫賦鸚鵡絕技于今迥不傳  
千古誰能補樂府周郎多才各精妙彈碁蹴踘更長嘯  
酒酣捲袖操雙槌宮徵雜作振高調殷殷轟轟五嶽動  
倒海翻江恣磬控一場一抑百變陳左盤右旋竟三弄

有如鐵騎圍斗城狼烽鬼火陰雲橫奮臂張拳冒矢石  
孤臣願歿不願生又如海嶠怒濤立雪浪銀山忽然集  
長鯨怪鱷晝齧人竈冷煙殘巷衢泣烏樓巨礮天地開  
潮平霧散千人摧尉佗墓下百萬戶前迎後擁歡如雷  
周郎奇績誰與偶山左閩南碑在口提袍作氣麾三軍  
頓使功名同細柳輕塵蔽日烏夜啼白雲冉冉歸青谿  
草堂初成竹初種已聞詔下思鼓鼙且及閒身數相訪  
徹夜高歌意慨慷花時共醉梨花春休說當年忤丞相

遺樂行

王士祿西樵  
新城

王君豪舉饒風格明月壺觴夜留客酒酣宛轉出歌人  
廣帕纏頭宮樣窄仙音法曲非人間按拍時時聞太息

客疑太息良有因垂泣向客爲客陳早年芳齒當三五  
藩邸豪華競歌舞鴟絃不數段師彈清歌每逐花奴鼓  
紫雲異調少人聞來遲新破誰輕覩一從戎馬起秦川  
世事飄零劇可憐桃李久摧故宮路松柏并闕西陵田  
公孫弟子窮無倚趨食鬻歌老不歎忽忽回頭二十年  
羞垂白髮華筵裏當筵聞此爲拊膺白衣蒼狗信難憑  
坐客雖非沈家令斷腸如遇鄭中丞

少年行

孫枝蔚 灑堂三原

少年不讀書父兄佩金印子弟乘高車少年不學稼朝  
出烏衣巷暮飲青樓下豈知樹上花委地不如蓬與麻  
可憐樓中梯枯爛誰論高與低爾父爾兄歸黃土爾今  
獨自立門戶爾亦不辨畝東西爾亦不能學商賈時衰  
運去繁華歇年年大水傷禾黍舊時諸青衣散去知何  
所簿吏忽升堂催租聲最怒相傳新使君憐才頗重文  
爾曾不識字張口無所云鬻田田不售哭上城東墳昔  
日少年今如此地下貴人聞不聞

潁水

杜濬 濱州

陽翟北郭水潺湲亂石中流如獸躡共說許由曾洗耳  
聞道箕山更有村古來高風有如此遁世便能輕一歎  
今人以歎干利名却視清流等塵滓潁水東流過許昌  
射鹿臺高蔓草荒河邊蘭蕙無顏色致令千年不忍芳  
偶來溪上聽泉聲沉吟往事傷我情援琴欲奏思歸操

清言初集  
爲君再作箕山行

曉發桐江

方象瑛

霞莊  
遂安

雨後青山青在水水光漾入山光裏此時曙氣含空濛  
鷄聲喔喔啼晨風隣舟乍動紛欲集霧擁一帆喧正惡  
蘭橈欵欵行江煙層城漸遠舟連天遙看旭日起空野  
小艇蕩漾孤雲下

登觀音寺塔再望川江歌

浮圖突兀排雲起萬井荆南錯其趾平沙曠野樹木稀  
漫漫衰草連江汜江水奔流三峽來連州跨邑經于此  
老僧能話嘉隆年寶塔初成白龍徙到岸只疑塔在山  
江行望塔塔在水日高不知江大小千盤百曲鐘聲裏

且烹江水拾江花安能溯峽通岷揆其始

采蓮曲

顧夢游

與治  
江寧

江南女兒弄江水照見如花底不隨簫鼓競中流  
輕橈蕩入香風裏香風拂拂別爲天荷葉荷花隱畫船  
瞥見誰家游冶女相逢同是弄珠還船邊山色青于沐  
山下鴛鴦映花宿就船折得並頭枝一時女伴皆回目  
折花心事對花癡落日臨風欲有遺蕩子不歸花在手  
苦心空自引長絲

衡山歌送王望如

沈 荃

釋堂  
華亭

衡山何巖巖最高祝融峯重巖十五三十泉夜半日出  
光溶溶瑯琊王子領符璽西風直渡湘江水身騎白鼈

天上行手攀芙蓉萬樹紫從來詞賦噴煙雲落筆無遜  
家右軍金烏一窺滄海氣玉簡再覩响嶮文况君為官  
外司寇大冠赤幘佐柱後丹管拂拂迴嚴霜梅棘春生  
滿園寶丈夫致君還澤民領取川岳馳畫輪公堂判事  
看飛鳥往往退食朝羣真明年上計升紫宸賜衣繡豸  
魚佩銀豈知桂木鳴絃客還作金門諫獵人

曉眠曲

宗元鼎

梅岑江都

曉院重重春鎖綠參差十二闌干曲青絲不捲玉雕櫳  
碧釵墜髮芙蓉褥春深人倦兩相和嬌酥百態委輕羅  
流蕪復帳不知曉春夢未歸情正多鷄鳴伊啞墻陰裏  
翠羽紅冠驚鬪起覺來慵整翠花鈿小牕無語看桃李

孝烈詩

輓淄川賈氏暨子婦孫氏

高

珩念東淄川

撫賊檄剿賊檄戮豺獠半夜縋垣入姑烈女婦烈女一門  
冰雪寒青史妖鷄甲夜伊啞嗚海潮澎湃賊登城吁嗟  
乎伏虎不刺卒吞齧長衢白骨何縱橫鸞訛蕙燹明珠  
碎精鏐烈火無改色笑呼白刃氣橫秋結紉無為夫子  
羞沉沉深碧千尋冷漢水巴陵此義井絮列應齊玉檻  
香嬋娟猶掛銀瓶影斷腸鴟鴞羣穠華風雨夜黑聞鬼  
車一暝千秋天雨泣驚呼投刃賊咨嗟是姑是婦婦有  
母噫嘻三烈同不朽蘭鞠終古噉楚詞椒漿我欲拜酌  
之珮若英兮冠白玉靈之來兮光天地

銅雀臺

鄧廷羅

偶樵江寧

漳河水雪深沒腰寒沙十里冬海潮行人笑指一抔土  
荒涼銅雀當年橋橋上春風何處招美人一去空蒐銷  
但恨曹瞞不見此蕭條

公子行

徐乾學徒菴  
崑山

翩翩佳公子容華耀朝暎大父擁旄節父不漢相尊弟  
兄才調本無雙六龍八駿何足論哲昆射策得高第少  
弟亦邀天子恩連鑣俱過上林苑縱轡時過銅馬門銅  
馬門前鋪金埒蜀繡障泥紛蹀躞期門羽林同往還五  
侯七貴都交結曾從複道入南宮還向建章達北闕鷄  
鳴從駕幸虎圈獵罷九街燈火徹歸來寒拂紫貂裘銀  
燭金尊銷百憂美人燕趙迎歌館狎客新豐上酒樓酒

樓妓館多歌舞曲成便令梨園譜鴈柱錦箏樂未央曼  
容皓齒一何嫵行觴佇立久徘徊但願公子朱顏開乍  
聽金梁鶯語細還看朱履鴈行來朱輪華轂無時絕子  
雲筆札君卿舌迴騎多過王珣家掃門與得曹君說邀  
灌終宴不知疲高縣銀漢明星列坐中醉客轄盡投堂  
上留髡燭已滅投壺蹋鞠誇擅場藏鈎射覆事殊別固  
知別館盛繁華旋見郵亭多獻謁鸚鵡遙遙自隴西名  
花在在來南粵鸚鵡名花何處藏前列細旃後曲房飛  
薨日麗鴛鴦瓦繡戶香消翡翠牀竇融廐室自連巨馬  
防觀閣生輝光甲第雲霞雄帝里田宅膏腴滿故鄉故  
鄉佳麗一縈憶桂楫蘭橈來往亟伐鼓南來驛路迎揚

舫直下通津塞甘寧錦纜棄不收鄂君繡被歡無極玉  
 津園內鳥欲啼伯通橋下人如織更植烏桺金谷旁每  
 穿曲沼芳林側據坐胡牀時疾呼曲鞵綠幘蒼頭奴張  
 翰善賦周小史霍氏羣知馮子都橫行詎畏洛陽令爭  
 道還欺上大夫轉日迴天真莫比氤氳佳氣無時無自  
 意富貴長如此一朝失勢須臾爾未誦應璩百一詩寧  
 知蓋子規箴是尚冠里中鴉亂鳴廷尉門前雀棲止望  
 之坐廢豈無因張讓通交非得已雷霆倏忽下彤墀遠  
 戍窮邊悔已遲東朝語不聞都尉舊日人皆去魏其白  
 髮高堂猶議遣斑衣愛子盡相隨金闕迴看腸已斷玉  
 關生人夢堪悲陂田苑囿輸公府廝養髯奴向北睡安  
 國灰燃難可待鄒陽書奏亦奚裨吁嗟公子生豪貴三  
 木囊頭竟就羈千金垂堂古著式百金倚衡市所嗤奔  
 車覆轍無賢聖誰言白璧不可為

隋堤柳

曾

曉庭開  
寧都

大業年中種官柳召募丁男供驅走種柳成行夾流水  
 龍舸夜發汴河口汴河舳舻千里接錦纜牙檣浮桂楫  
 紅粧綠水相蕩漾江天二月飛晴雪白去征遼不復還  
 魚鑰深宮怨離別綠暗金明千里路杏梁紫燕朝復暮  
 迷樓夜月吹秦簫空倚江南江北樹君不見彭城閣上  
 羽書馳吳公臺下悲風起不失長城失天子今古興亡  
 盡如此



題柅園圖

許之漸 青嶼武進

柅園主人老更奇  
枕書千卷綠水陂  
密蔭連岡列屏障  
蓮塘月出青玻璃  
草深俗轍何曾入  
沉沉望古思遙集  
慧業文人結習深  
鍛鑪蠟屐閉情及  
衡門不惜為余開  
入來無復飛黃埃  
水禽蒼茫掠蓮葉  
遊魚瀉潏浮波來  
北戶千竿邃莫測  
斐几蒲牀自拂拭  
浮雲欲停行遲遲  
翠濃白日藏深黑  
此時冥身如空山  
迴眺百雉虛無間  
桂叢隱映幔丹閣  
圖畫未易逢荆關  
舊亭後圃存一株  
橋迴徑轉引步趨  
芙蓉接芳間新碧  
夜氣金銀為有無  
蕭蕭萬木秋風至  
歲寒未改先生意  
明月悠悠柰若何  
百年良會佳辰多

琅瑯嶺古松歌

姜燮鼎 理夫遂安

此松不識何年庚  
嶽嶽但以琅瑯名  
卷枝盤屈大如甕  
垂下枝枝復上生  
內可鋪張幾茵席  
日影不向其中行  
耳邊惟聞風雨響  
出樹乃見天空晴  
短鬚修鱗貌逼古  
格高氣肅神骨清  
俛視他松落顏色  
不屑兒孫况弟兄  
松乎松乎無前古  
秦五大夫奚足數

鷓鴣行

宋 學牧仲 商丘

鷓鴣之聲如巷哭  
夜則飛鳴晝則宿  
人一聞之祓不祥  
况復日間止我屋  
猫額鷹爪睛不旋  
簷前羣雀遭其戮  
持杆喧逐亦不驚  
嗟爾氣勢何崢嶸  
吾聞鳳凰盛文彩  
徘徊霄漢五雲橫  
只今聖世不來儀  
惟有鷓鴣處處鳴

鳳兮鳳兮不可見獨立空庭涕如霰

採桑曲

陸嘉淑水修海寧

江南三月青陽天桃花匝匝楊花顛流鶯自語玄鳥斜  
陌上誰家雙鬢鴉繡箔柔筐臨碧瓦百筐春蠶眠不起  
素腕迢迢倚夕陽清曠的的回秋水別有梅花洞房妾  
永日盈盈淚凝睫織成錦字寄別離結成同心鎖笥篋  
偶向城隅恨自滋長憐春暮心尤怯使君五馬莫躊躕  
兒家夫壻關西俠

雪中送廉弟歸

楊思聖猶龍鉅鹿

北風獵獵朔雲屯行子思歸動征輪僕夫在御馬在轅  
欲別執手聲吐吞河橋路東斷行人飛鳥無聲沒前村

望而不見徒逡巡冒雪歸來獨閉門含恨空齋誰與言

報國寺雙松歌

嚴沆顯亭餘杭

燕山突兀幾千載四百餘年景物改惟有慈仁雙老松  
霜皮剝落至今在其一婆娑勢攬地撐拏詰曲春雲爨  
一株梢欲干層霄却顧徘徊意相待紛旛密葉生風濤  
屹立虬根玩真宰慣看城市變烽煙幾見桑田作滄海  
何年紺殿啓琳宮石欄磴道盤虛空飛花濛濛日月靜  
溜雨黯黯神靈通大都月市番估集胡牀翠幕陳西東  
哥柴古窰周漢鼎陸離法物羞雷同似與雙松較年歲  
必有真賞窺洪濛日斜人散蒼煙重倒景上殿雲龍蔥  
軒車冠蓋繆相歎肩摩轂擊勞過從吁嗟此松澹蕩有

真意只愁化作雙虬龍直上燕山絕壑一往不得見悵  
望千峯與萬峯

縫甲泣

孫錫蕃裴臣黃岡

奇書不讀懸三峽用之一心為要法心經百苦漸成丹  
灑血天河淨洗甲五嶽此身重君恩朝食未減不夕殮  
萬馬逐鹿先三戶枕戈鏡蝨出凶門夜半青藜秋風咽  
化作百鍊錚錚鐵有骨如鐵鐵着身片片冰霜聲凜冽  
嚙鏃折矛學劍舞博浪沙中間嘯虎披甲方寸起山河  
解甲上帝洞肺腑

勸酒

傅燮詞夫異靈壽

有錢日日酒家來有酒莫放手中杯世事悠悠不足問

眼底閒花艷艷開誰人不道少年好可惜少年容易老  
誰人不願黃金多富貴功名奈命何勸君莫惜醉顏酡  
勸君酒醉須放歌天邊紅日又西下莫教兩鬢空皤皤

鮒魚歌

葉襄聖野長洲

春江三月櫻桃紅奔流急漲開鯨宮白白鮒魚滿街市  
千條呀呷隨潮通網師乘船日來往欵帆側枕凌泱泱  
金鱗撥刺丹腮殷蹙浪翻風墮羅網紅肌素甲堆銀霜  
嶙峋細骨如箭鏃當時自愛形質好豈知九罟潛高張  
饗人受魚揮利鏑輕刀轉切鱗不落綺散俄看疊殼飛  
霜輕快比秋蟬薄憶昔天家全盛日九州四海車書一  
江淮貢賦達津門炎天冰雪爭馳驛石榴紅噴壓雕欄

長日初開夏殿寒百和椒蘭金鳳梳千層雪繪玉龍盤  
塵沙漠漠燕雲隔蘆酒黃羊滿街陌園陵寂寞閉蓬蒿  
誰向荒臺薦新麥事移勢去盡悠悠對日慚餐涕自流  
回首龍江春寂寂波濤直下使人愁

貧女辭

熊伯龍鍾陵漢陽

今年望蠶蠶不收袖手含思坐陌頭陌頭黃雀有雄雌  
女兒年年未嫁時楚王宮中正好老細腰覓食竿聲小  
春風春雨斷人腸百年一身難草草一身溝壑去如歸  
愁令姊妹無光輝田園荒蕪薇蕨肥勒避霜露當淡衣  
市朝走死莽男兒鏡中顏色未全虧

寄懷無可上人

魏學渠子存嘉善

美人昔日顏如花樓閣連雲錦作霞少小淡閨聞窈窕  
陌頭五馬徒相誇一朝迎入璇宮裏長侍乘輿親玉趾  
年年秋月照芙蓉歲歲春風競桃李桃李芳菲接上陽  
清歌妙舞歡未央恩氤氳翡翠煖羅縠飄颻蘭麝香  
香銷煙寂幾回換蒼梧宵冥雲漫漫帝子靈旗不得攀  
宮姬團扇生愁歎歎息長門綦履絕空山杜鵑曾流血  
感恩一顧難為忘雙淚潛潛抱貞潔自茲萬事付清泠  
忍草禪枝繞中庭莫惜紅顏安薄命手剪青絲學誦經

兩相疑行

萬壽祺年少徐州

關東健兒結束好放轡夜走荒岡道遠望塵頭數馬來  
抽刀迎上挽弓開相持良久各相眺收刀插箭對面笑

隄防錯認兩相疑不辨官兵與賊騎

固始道

陳名夏百史 溧陽

擔簦亂走避矢矰野田雉叫雙兔騰寒風白骨橫溝塍  
百里呼人人莫應行子束腰食冰水凍僵強起呼良朋

花樓曲為毛雅 黃悼妾

惲格壽平 武進

花樓斷古春天江沉新魄金粉芙蓉愁組紉宵光散刀  
尺扇袍離披賣漿客獨卷龍綃倚瑤席聲咽銀雲五十  
弦珊瑚桂鏡鸞塵隔蜀山鳳去桐花冷金瓶忽墜鴛鴦  
井瓊柱空移碧玉歌曲屏不照黃娥影盧家蘭堂蘇合  
香陰陰碧瓦生璇霜綠苔蒙茸亂光髮無風欲動真珠  
裳飛迷迷雨唧唧壁衣烟網蟲絲織菡萏怨紅嬌落盡

胭脂色靈牀缸火微明隔帷如聞珮聲舊時折殘櫻桃  
花雙棲翡翠徘徊鳴階前履跡猶存否朱草明年不忍  
生

桃源行

魏裔介貞菴 栢鄉

淵明自謂羲皇人作為詩句擬避秦秦人宋人一而已  
詐力篡殺不足詢柴桑自有桃源渡洞口雲淡落英聚  
鷄犬尚有古音聲衣裳不作新制度此中避世可千年  
春花秋月自娟娟峽中不知人何事世人遙望惟青山  
山色溪光終不改武陵白雲自相待却笑時人欲問津  
避秦之宅竟安在

飲黃朗伯齋重過許有介看海棠

徐國章文臣 太末

草堂斜對辛夷塢墨客聞過高拂塵鸞刀切鱸雪芹芽  
簾前幾陣清明雨座中七八高陽徒一吸長鯨桑落枯  
醉袒寬衫雙眼白手擊銀瓶唱鷓鴣玉箭聲催肴核亂  
酒人半逐微雲散我尚蹒跚未肯歸明星炯炯疑初旦  
許渾門前重叩扉花光燭影揚清輝一樹海棠簇冰雪  
滿城桃李無芳菲醉眠看花花酪酊只見繁花不見梗  
笑倚庭前五尺牀搖枝欲喚楊妃醒主人珍重為花畱  
斗酒將歸與婦謀搖手辭君飲不得酒香拂拂花唐突  
君不見適來微雨殘英落明日花開不如昨我來秉燭  
近此時五更門外風刀薄

過小孤山

錢肅潤礎日無錫

大孤山小孤山大孤可望不可即小孤可即不可攀回  
看四面皆斗絕山巔卉木森森列鵜鵠群向樹間啼遊  
人聽此心切切

若耶溪

翁世庸東山錢塘

若耶溪上寒雲流垂簾日暮不勝愁大夫然諾縱相許  
寂寞紅粧經幾秋可知相思在范子不難捐軀雪國耻  
一朝遠去若耶溪越溪香滿吳宮裏碧瓦朱欄臺榭淡  
皓齒羅衣歌舞起那識功成賦凱旋白首同歸五湖水  
五湖之水不可求寒雲繚繞若耶舟

醉石

李滢高菴高郵

陶家故里近柴桑先生長嘯似羲皇相傳大醉臥此石

高山流水借徜徉漫將埋照稱嵇阮裸袒沉湎竟忘返  
誰似先生迷酒詩睠懷宗社情偏遠白衣黃菊風流藐  
竭來池館空秋草題詩醉石竟何人石既礫砢詩亦好  
吐痕石上尚依希那識人間非義熙世事茫茫同一轍  
由來痛飲是吾師

坐雨寄秦亭山人

陸進蓋思餘杭

鳳鳥不鳴嗥寒鴟秦亭隱者日採芝草堂獨坐山雨急  
掀髯岸幘吟新詩風塵滿目障未得河干釣魚魚發發  
流塗亂塚負薪行頽垣破壁炊煙濕吁嗟乎君家幾世  
危朝紳此日蕭然野水濱籐花竹葉衡門靜醉酒當歌  
秋復春

見鬼行

蔣遵路路然無錫

七齡曾見鬼鬼狀即髑髏當年不識髑髏狀但見苗顛  
環眼如猴頭舟回鄂渚瞰沙際白骨堆中一枚斗大共  
指為髑髏爾後十年復見鬼青衣慘黯却無頭疾趨逼  
視鬼倒却走入門縫如風收此時吾家百不憂置酒高  
會烹羊炙牛金羈袷服過倡樓麗娟呈妙舞車子轉清  
謳年來悔氣不見鬼短轅折軸長劍斷綏盎中無餘粟  
桁上無懸裘或云道途鬼甚夥或參日虎首或狼鬣鼠  
頭或窳窳其心或羅魑其頰或夔魍而入夢或醜醜而  
呼儔故鬼少新鬼多數見不怪吁可羞中有一鬼名曰  
魑隨光逐影從我十六秋故鬼富新鬼窮故鬼使我樂

新鬼使我愁昌黎送去八百有餘載我今送汝不用糗  
糧與車舟袖中磨一鐵捐向窮髮之北斗千年萬歲住  
九幽故鬼不復見新鬼行且休

解仲長畫十八學士障子歌

邵長蘅子湘武進

秦王虬髯三尺鐵提架親搗中原血畫開天策羣龍趨  
諸公衮衮皆英特當時立本傳畫圖千載想像猶能識  
我家此障解翁筆結構雖妍微少骨紫禁窈窕輝丹青  
宮殿玲瓏窳突兀頗工人物良苦思寫照一一鬚眉奇  
織錦緋袍金孔雀刻玉腰帶銀狻猊髣髴銅龍散講後  
分曹六博酣清畫房公微笑杜公坐投壺散帙無不有  
就中一人落筆酣細看恐是虞世南其餘學士貌各異

偶坐往往同衣冠卽論畫馬亦殊絕奚駒十八森成列  
蹙金雙鐙紫障泥三疋翹足五疋鬻太液淡淡春風波  
黃鬚奚官白罽靴牽來十疋池上浴丹鬃剪刷噴桃花  
可憐人馬爭輝寵憑軒坐久神逾竦憶昔風塵際會初  
君臣膠漆同歡娛分番更直數引見大官醴酒御厨膳  
英謀密勿人少知花磚日斜不下殿只今朝野艱虞同  
時危整頓須數公撫圖感事面頰紅布衣詎卽無遭逢  
聊歌紫芝悲天風

湘中吟

胡承諾君信景陵

楚客多悲音更爲湘浦吟湘浦蕭條空延佇日暮停舟  
懷沙渚狂風震盪洞庭湖屈氏忠魂無處所吁嗟乎君



無輔兮車軸折臣失主兮菁華絕所以申狄蹈河萇弘  
化血纍臣一去不可攀含悲飲泣愬天關乍凝神思若  
有見脩爾孤帆沒雲山

易水咏

錢芳標 寶汾華亭

君不見慶卿祖別趨函谷白虹當天白衣哭七首深藏  
督亢圖羽聲早變漸離筑當年劍術久沉銷易水東流  
暮復朝莫向寒風弔壯士驪山銀海更蕭條

塞上

周體觀 伯衡遵化

老夫荷戈四十年昔為戰地今為田垂老無力事農畝  
數壠却在陰山邊生長兒孫苦不早開種山田筋力小  
鷄鳴獨裹餼糧出月下歸就城邊道沙場白骨誰家子

我來收汝歸蒿里白骨白骨識余不先汝從軍後汝歿

春郊曲

汪楫 舟次江都

風吹野田香菁蔥迷古道行行隨桃花不復惜芳草桃  
葉漸新花漸稀輕紅片片着人飛踏春嬌女愁顏色結  
伴都從陌上歸

病瘡行

李廷樞 辰玉江寧

瘡來寓我魂從湧泉入崑崙寒潮捲江天氣渾罡風颯  
颯飄情根風中劫火隨摧燔精出神入同一門六根震  
動主宰奔談空說實徒煩冤理解中人不能靜夜半雲  
歸月華醒

磔鼠行

吳本嵩 天石宜興

聲聲厠中鼠但當避人食不潔長向厠中為窟穴胡為  
竊肉來人家一鬻未終首流血爰書往復罪狀明老吏  
視之獄既成便陳餘肉磔鼠首廷尉之法稱為平鼠狡  
不啻有三窟淡之莫窺堅莫掘雖遭室塞尚衝突何故  
安居戀皮骨鼠類什伯相為群依倚屋社長紛紜自謂  
不可灌與熏應能致汝干青雲何為身首倏忽分託身  
天地本為鼠爾鼠自視同猛虎郊牛角廢倉粟空穴橐  
穿墉恣相苦飲河滿腹心未饜擊鼓迎貓目猶怒不言  
生殺在主人反誇雄武無敢瞋一朝抗頸齒刀劍廼知  
鼠黠殘其身嗚呼鼠黠殘其身今我願見騶虞仁

溪石

陸求可密菴山陽

溪上嶽崎石骨瘦豎者如人橫者獸斧劈奇形撐宇宙  
怒立中流披甲冑奮身欲與蛟龍鬪日月照其前風雨  
摧其後雷電掣其左波濤撼其右此石端坐只依舊萬  
古常同天地壽

岳墓

王穀椒御江都

繡旗手執宮中賜一日金牌下十二後先兩詔歿生殊  
總為獄成三箇字嗟哉岳侯英且武背嵬失取黃龍府  
總言矯詔陷爰書也應收得中原土豈知侯乃忠孝人  
違命與師是不臣得地難將功蓋罪一生大節向誰伸  
妖狐片語將星沒玉環老卒埋香骨忠魂未必戀吳山  
遙隨二帝悲寒月

搗衣篇

史可程赤豹大典

颯颯邊城寒飈起迢迢遠戍三秋裏衡陽鴈過無音書  
孤月照人冷欲死枕衾涼薄念君寒金刀試把衣裳理  
江楓幾葉紅于血愁髮數莖白如絲閨中砧杵風淒切  
纖纖素手力難支試聽夜溪聲斷續瘦怯但願君莫知  
殷勤寄與行人便傳語何日是歸期歸期未卜長歎息  
縱染胭脂無顏色巾袖斑斑漬淚痕十二時中苦相憶

秋行即事

楊素蘊筠涓宜君

曉來雲氣鬱蒼蒼四野蕭瑟草木黃風起荻蘆翻雪浪  
慘淡白日下大荒兩月烽火照天地江南蜂蟻終兒戲  
拍天怒濤血猶赤夜月青燐走魑魅年來畿輔靜妖氛

遣戍丹陽甲馬分行行兒女爭牽袂回頭淚眼向燕雲  
長吏辦餼糧丁男供棧豆日行不半百猶曰苦馳驟犬  
吠空村人影蕭但見路旁積羽毛霜重鼓沉聲隱隱將  
軍河上任逍遙

落花篇

徐鈞電發吳江

洛陽城外花如綺洛陽城內歌鐘起一夜東風吹滿枝  
片片花飛逐江水江水春流暮轉淡江干日暖生紫蘋  
參差碧樹波光裏蕩漾紅潮愁殺人憶昔平原全盛日  
芳郊千里紛如織香車翠幃掩紅粧寶勒金羈跨紫陌  
陌上遊絲爭繞樹嬌鶯乳燕紛相度桃李蹊成白日斜  
棠梨院鎖黃昏暮誰料繁華類轉蓬紛紛墮紫又飄紅

杜鵑血染胭脂裏，蛺蝶魂迷芳草中。歎息年光空自好，玉顏零落憑誰保。花謝花開無盡期，委地飄墜不須掃。別有佳人斂翠眉，翩翩衫袖淚雙垂。明年依舊花爭發，開落庭前知爲誰。

湘江春曲

許虬 竹隱長洲

春波起江風，長春雨垂江。草香夫君不來，佇徬徨紫鸞。簫歌聲渺落，日瀉哀濤。潛蛟舞窈窕，青山萬重隔渚煙。輕帆一葉齊木杪，此時望君情緒悄。凝纖肌揚令眉翻，素袖酌翠卮。朝有思暮有思，所思雖不遠，無人前致辭。風晨月夕容與姿，澹持仁義以自嬉。

和翁永叔

王嗣槐 仲昭仁和

春雲冉冉鴈北飛，客居索莫常思歸。憶昨東湖共豪飲，翻杯覆瀝猶沾衣。興酣濡筆不起草，相逢倡和咸陽道。十日不面情懷淡，惠我詩篇復新好。春來倦睡久拋書，懶向侯門更曳裾。朝行渭水笑呂尚，白髮持竿猶釣魚。毛子霞手臨岫嶺，碑刻石大別山。陶汝鼐 仲調長沙

河圖用七居南，午龜負靈文。作書祖南嶽，峰頭治水碑。坎離交孕文中古，七十七字竹書前。萬八千丈朱陵天，嶽靈闕密徙于麓。亂來壁亦封蛟涎，毛公治詩兼治書。縱觀禹蹟搜蟲魚，披髮大叫手摹畫。科蚪競落神有餘，載過湖心烙江水。蝦蟇視龍波不起，靜中鈎勒如印泥。鬼斧巉巖透生紙，攜來大別琢青琅。蛟螭小縮姿橫陳。

有如九鼎夏初鑄萬象攝入爐冶新此事非關巨靈作  
子霞嗜古思河雒龜峰還似負書時七七衍圖玄白錯  
勒廻南紀莫滔滔千載江臯扼衡霍

放歌贈陸亦樵

吳百朋 錦雯 錢塘

高士無羈繼野鶴與孤雲春花秋月相代謝安能鹿豕  
常同羣當湖陸子情性別相逢肝膈真如雪一生不識  
平陽奴霍家子都目欲裂腰間芙蓉瑩鸛鷓高歌對酒  
兩耳熱星巖暑退涼有餘石室龍牀可結廬篆籀良工  
三代上丹青好手六朝初詩敏逢人能擊鉢游窮每食  
歎無魚亦樵子爾彈琴我放歌青山堪著屐白水可乘  
槎百年三萬六千日長齋不飲空蹉跎與君採藥山之

阿

早行

曹禾 峨眉 江陰

一年百夜破五更倒衣出戶天未明禁庭趨走飽霜露  
時遇風雪難為情平時野性最懶慢忽到隔夕心怦怦  
擁衾獨臥不成寐城鐘街鼓聲逾清從來鷄犬似瘖症  
此際耳畔如酬賚自笑荏苒逾四載筋骨欲折疲撐撐  
大官奏事理應爾吾徒何事陪宵征市中商賈亦早起  
彼各有獲吾何營吁嗟彼各有獲吾何營

七首歌

戴 小宋 祁景陵

北斗闌干霜月白主人酒罷岸高幘上客開械出寶刀  
傳看摩抄聲嘖嘖會發華陰山下土鸚鵡血淬凝雪色

晶苗月牙旋閃爍，鷲尾電光隙相射。堪霄直上秦王殿，避火空隨新莽席。久混泥滓出何年，神物遭逢真堪惜。鮫魚室繫文錦帶，錯鈿嵌珠裝千百。不向塵世管碎仇，還藏書篋伴仙客。骨竦毛寒太息久，義氣相傾重把酒。曹鱣豫聶古何人，霜飛月落空回首。

夜過琵琶灘戰壘

彭始奮 海翼鄧州

濺驚白泡江流怒，怪石嶮呀屯兵處。角作龍鳴水逆起，蛇鱗黯黯日色灰。沙際鬼燈暗明滅，路遠飢魂歸不得。我馬到此鳴且驚，殘尸半掩泣飛雪。肉封赤壘鏃花澁，感茲夜色傷人情。極目空江送遙碧。

桃源

丘元武 柯村諸城

扁舟四過桃源縣，數訪秦人不一見。平生雅好淵明書，桃花有記先生撰。離披紙上谷口樹，事往時時一展卷。當日載筆不傳疑，誰言詼諧同曼倩。尋源漁父自好奇，再來故道何曾眩。雙旌俗吏武陵守，強事冥搜誰一盼。坐使鷄犬入雲中，茅屋山莊失覲面。秦晉相懸五百年，碧海黃塵經幾變。此地日日在人境，桃花曾見飛如霰。勝地由來天秘惜，三山餐玉黃金賤。學仙不識神仙宅，白雲虛語瑤池宴。今夕途迷我欲哭，耿耿東望路一綫。洞門流水杳然去，歸來再讀五柳傳。

駭牝行

杜 臻 肇餘秀水

秋高塞外百草腓，風勁膠折蕃馬肥。乘黃照夜大宛種

噴玉汗血走駢駢欵關職貢獻方物遠涉朔漠來京畿  
長鳴聞闔騁雄姿未受伏櫪銜韉奚官廝養教攻駒  
控縱如組任指揮邊隅有事誅殘孽下詔驅策張天威  
朝辭冀北暮荆襄雷轟電掣相追飛分毛列隊無雜羣  
五花雲錦生光輝方舟渡河驕且閑踏空駕浪涼颺微  
霜蹄蹠躩輕峻坂誤目青熒照鐵衣騰驤胯下猛士力  
磊落軍中大將旗洞庭江漢等平地計日王師定合圍  
上駟三千同步驟疾馳雪夜應神機蜀道滇池取次收  
捷書萬里報彤闈投戈解甲風塵息海溼山陬反側希  
驅馬華陽長不用三軍樂奏凱歌歸

鄜院寄內

薛 耳固菴武進

憶昔辭高堂相將別鄉里一官千里孤身寒欲別不別  
淚如雨自披荆棘鄜中來阡陌莫分官舍圯昨夜南山  
踏磐石鷄籠插雲萬峯接長林借蔭寢蓬蒿戰馬牀頭  
嚼環鍊朝來一鴈鳴嘹嘹憶爾天涯淚沾席天涯兒女  
竟如何茅屋應教補薜蘿呼兒讀書夜伴織夢中見爾  
愁顏多爾今語兒勿復誤宦游子已悲行路蓬頭之子  
椎髻妻他日相攜事農圃縱有當年捧檄心不妨偕隱  
綿山陰爲望南天雲起處遙知老母待抽簪

羅邗濤放魚歌

李 淦若金典化

湖上何人最善遊廣陵有客泛扁舟一朝偶向北關去  
巨魚躍入如相投日光照耀銀鱗白揚鬣噴沫非吞鈎

篙師從者盡驚喜客命舍之還中流歸來笑語衆游好  
相將拊掌吟且謳臨淵不作羨魚想尊中有酒仍拍浮

道出武湖懷古

翁介眉孟白  
錢塘

木葉蕭蕭朔風急湖面濤聲勢相逼飛雲歸浦落帆檣  
高鳥橫空破青碧琉璃迸碎萬頃波遠山煙藹夕陽多  
洲前沙白明如練欵乃微聞發櫂歌黃祖陳兵巨舳艫  
旌旗蔽日壯雄圖千秋惟有寒流在野渚蒹葭宿鴈鳧  
縱目遙天倦征轡澹蕩迴風水光翠轉盼岐亭作故鄉  
月出平湖冷孤吹



